

NGANEAVHUTSHILO YANGA

 Kha ri kotamise zwifhātuwo zwashu lwa tshifhinganyana uri ri ite thabelo.

Khotsi ashu wa Tađulu wa tshilidzi, ngoho ndi nge ra vha na pfanelo dza u sendela ha Iwe, Mudzimu na Mutshidzi washu. Ri tshi khou pfa ulu luimbo lu mangadzaho, *U Muhulwane Hani*, lu a ri takadza ngauri ri a zwi divha uri U muhulwane. Huno ri rabela zwauri vhuhulwane Hau vhu do vhonadzwa kha riñe nga vhuswa, masiari ano, ri tshi amba. Huno two nndela, lwa u tou thoma kha miñwaha minzhi, u lingedza u ya murahu kha two iteaho vhutshiloni, huno ndi rabela uri U do nnea nungo na—na tshire nda ḥoda, Murena, u vha tshone kha ino awara. Huno khakho dzanga dzothe vhutshiloni kha dzi vhe fhedzi tombo line vhañwe vha kanda khalo, line la do vha disa tsini Hau. Zwi tendele, Murena. Vhaitazwivhi nga vha vhone nayo dza milenzhe kha muñavha wa tshifhinga, huno kha vha khadelwe kha Iwe. Hezwi zwithu ri zwi humbelia Dzinani la Murena Yesu. Amene.

Ni nga dzula.

² [Mukomana Glover u ri, “Ni nga rabelela izwi zwisagaduku ni sa athu thoma?”—Mudz.] Ndi do takala. [“Hu na hezwo na hezwi zwine zwi nga rabelelwā.”] Zwo luga, muñe wanga, ndi a ni livhuwa. Sa munna hoyu mukhethwa, Mukomana Glover, we nda mu divha zwino kha miñwaha i re na tshivhalo, ndo vha na pfanelo ya u vha nae lwa tshifhinganyana madekwe. Huno o mmbudza nga ha uri... o litshiswa mushumo lwa tshifhinganyana, u khou awela. Huno zwino, u na miñwaha ya fusumbethanu, u khou vhuyeleta murahu mushumoni wa Murena. A tho ngo neta lwa hafu u fana na nga ndila ye nda vha ndi ngayo ndi sa athu pfa hezwo. Ndo elekanya uri ndo neta, fhedzi a—a thi tendi uri ndo ralo. O sokou mmbetshela zwisagaduku hafha, nga tshi—tshivhumbeo tsha dzifulobo, na zwiñwe-vho, hune zwa vha nga ngomu nahone zwa vha two no di humiselwa murahu.

³ Zwino, muñwe na muñwe wa vhoiñwi vhane na vha kha shango la radio, kana fhano, ane a tama tshiñwe tsha izwi zwisagaduku, huno ni do... Angelus Temple i anzela u zwi rumela nnđa, tshifhinga tshothe. Ni nga ñwalela ngeno kha Angelus Temple huno vha do tshi rabelela, ngauri ndi do ni fulufhedzisa uri ndi Luñwalo. Ndi pfulufhedziso ya Mudzimu.

⁴ Huno arali zwi tshi do vha nga ndila ine na do ḥoda ndi tshi ni rabelela tshiñwe tshazwo ndi tshi itela inwi, mulandu, ndi do takalela u zwi ita. Ni nga ñwalela fhedzi kha bogisi la ofisi ya poswo 3-2-5, 325, Jeffersonville, yo peletwa

J-e-f-f-e-r-s-o-n-v-i, l mbili, e. Jeffersonville, Indiana. Kana arali ni sa koni u humbula bogisi ḥa ofisi ya poswo, ንwalani fhedzi "Jeffersonville." Ndi mudi muṭuku, vhatu vhane vha nga ṭoda u swika zwigidi zwa furaruṭhanu. Muñwe na muñwe u a nndivha heneffo. Huno ngauralo ri ḫo takalela u rabelela tshisagaduku na u ni rumela tshone.

⁵ Huno, zwino, ro no kona zwiḥulwane kha u ita hezwi, ngauri... Ni ḫo vha na luñwalo luṭuku lwa fomo lu re natsho, lwa uri u mona na shango vhatu vha a rabela nga matsheloni mañwe na mañwe nga awara ya ṭahe n̄ha ha tshithoma, na nga awara ya fumimbili n̄ha ha tshithoma na nga awara ya vhuraru n̄ha ha tshithoma. Huno ni nga humbulela, u mona na shango, uri vha tea u vuwa tshifhinga-de tsha vhusiku uri vha kone u ita thabelo heyi. Ngauralo arali zwigidigidi izwi zweṭhe zwa mahumi, huno zwi tshi andiswa kazwigidi, zwi tshi khou rumela thabelo ha Mudzimu nga tshifhinga tshenetsho tshithihi hu tshi itelwa mushumo hoyu, vhulwadze hañu, hezwo Mudzimu a nga si tou zwi thudzela kule. Huno ngauralo zwino riñe, vhunga ndi tshi amba, a ri na mbekanyamushumo dziñwe-vho, a ri ṭodi peni na nthihi ya tshelede. Ri tou vha... Arali ri tshi nga ni thusa, izwo ndi zwone zwe ra ḫela zwone fhano. Huno kha ri...

Muñwe muthu u khou ḫisa liñwe buto ḥa zwisagaduku.

⁶ Zwino, arali ni si na tshisagaduku tshe na ṭoda u tshi rumela, ho luga, zwenezwo itonu ንwala, naho zwo ralo. Arali ni sa tshi ṭodi zwino, tshi vhulungeni kha Bugu ya Mishumo, ngomu ha Bīvhili, ndima ya 19. Huno tshi ḫo vha tshivhumbeo tsha riboni tshena ḫukhu tshine tsha do rumelwa kha inwi, na ndaela dza uri n̄i nga thoma na ḫibula zwivhi zwañu hani. Na (ndi a ni livhuwa) uri ni nga bula zwivhi zwañu hani. Na kathihi ni songo lingedza u wana tshiñwe tshīthu kha Mudzimu ni sa athu lugisa mafhongo aṇu na Mudzimu. Ni a vhona? Huno zwenezwo ni a laiwa ngomu hafha u ramba vhahura vhañu, na mufunzi wañu. Arali ni na tshiñwe tshithu mbiluni yañu tshine na lwa na muñwe ngatsho, iyani ni tshi lugise u thoma, huno ni vhuye. Huno zwenezwo ni rabele, ni vhe na muṭangano wa thabelo hayani hañu, huno ni pereṭedze hetshi sagaduku kha tshiambaro tshanu tsha nga ngomu, zwenezwo ni tende Mudzimu. Huno kha dzenedzo awara tharu, ḫuvha liñwe na liñwe, hu ḫo vha na vhatu u mona na shango vha no khou rabela, ngeđane u mona na shango.

⁷ Huno zwino ndi tshanu, vhukumakuma hu si na na mbadelo, itonu tshi rumela. Huno—huno, zwino, a ri nga ḫo dovha ra ni ንwalela uri ri ni humbele lu sa gumi u lifha kana u ni vhudza nga ha iñwe mbekanyamushumo ine ra vha nayo. Ri ṭoda ni tshi tikedza mbekanyamushumo, fhedzi riñe a ri—a ri na iñwe-vho ine ni nga i tikedza. Ni a vhona? Ngauralo ni... A si u wana ḫiresi yañu, hu tou vha fhedzi vhudzulo na mushumo wa Murena, une ra khou lingedza u u isa phanda.

⁸ Zwino kha ri kotamise zwifhaṭuwo zwashu. Huno arali ni kha shango ḥa radio, adzani sagaduku tshaṇu heneffo, vheani fhedzi tshanda tshaṇu n̄ha hatsho musi ri tshi rabela.

⁹ Murena wa tshilidzi, ri disa idzi phasela ḫukhu kha Iwe, khañwe dziñwe dzadzo dzi vhonala khamusi dzi vese ḫukhu dza lushie, kana—kana hemmbe ḫukhu ya nga ngomu, kana khamusi phere ḫukhu ya zwibutsu, kana—kana tshiñwe tshithu, sagaduku, tshi no khou ya kha a no lwalla na a thupheaho. Murena, ri khou ita hezwi u ya nga Ipfi Ḥau. Ngauri ri a vhala, kha Bugu ya Mishumo, zwauri vho dzhia muvhilini wa mulanda Wau, Paulo, zwisagaduku na dzifasikoġi, ngauri vho tenda zwauri Muya Wau wo vha u kha uyo munna. Huno mimuya ya tshika ya bva kha vhathe, huno matħupho na malwadze zwa vha ṭutshela, ngauri vho tenda. Huno zwino ri a talukanya, Murena, zwauri a ri Paulo Mukhethwa, fhedzi ri a zwi divha zwauri U kha di vha Yesu. Huno ri rabela uri U do tonda lutendo lwa avha vhathe.

¹⁰ Huno ho ambiwa nga tshiñwe tshifhinga uri musi Israele, vha tshi khou lingedza u thetshellesa Mudzimu, vho fashiwa tshikwekweni, lwanzhe lu phanda havho, na dzithavha matungoni othe, na mmbi ya Farao i tshi khou sendela. Huno muñwe o amba, zwauri “Mudzimu o sedza fhasi nga iyo Khavhu ya Mulilo, nga maño o sinyuwaho, huno lwanzhe lwa dženwa nga nyofho nahone lwa dihumisela murahu, huno lwa itela Israele ndila ya u pfukela shangoni lo fulufhedziswaho.”

¹¹ Oo Murena, dovha u sedze fhasi, musi phasela idzi dzi tshi vhewa kha mivhili i lwalaho hu tshi elelwa Ipfi Ḥau li tshilaho. Huno vhulwadze kha vhu dženwe nga nyofho, sedza nga kha Malofha a Murwa Wau, Yesu, We a fela tshipfumelo hetshi. Huno ngavhe swina li tshi ofha nahone ḥa sudzuluwa, uri avha vhathe vha de vha džhene pfulufhedzisoni, uri “N̄ha ha zwothe,” uri ndi lutamo Lwau “uri ri bvelele kha mutakalo.” Zwi tendele, Khotsi, ngauri ri dzi rumela nga kwonokwo—nga kwonokwo kuhumbulele mbiluni dzashu. Huno iyo ndi ndivho yashu. Ri dzi rumela nga Dzina ḥa Yesu Kristo. Amene.

Ndi a ni livhuwa, Mukomana Glover. Ndi a ni livhuwa, muñe wanga.

¹² Zwino, madekwana a ñamusi ane a vha a u vala itshi tshipida tsha mvuseledzo, a thi divhi uri tshi do hashwa muyani kana hai, fhedzi ndi do takalela u amba (arali zwi songo ralo) kha vhatetshellesi vha radio, zwauri hoyu wo vha muñwe wa mitangano yavhudisa ye nda vhuya nda vha nayo miñwaha minzhi, minzhi. Wo vha wo khwathaho, u divhaleaho, u funwaho nga maandesa, muñangano wa tshumisano we nda vhuya nda vha khawo tshifhingani tshilapfu.

¹³ [Mukomana u ri, “Ri muyani u swika tshifhinga tshi kotara u bva kha awara ya vhuña, mukomana. Huno vha khou

vha thetshelesa, hothe tshipembe ha California, nn̄da ngei zwiṭāgadzimeni, nā kha zwikepe. Ri wana milaedza i bvaho khavho. Huno ngauralo ni na vhathetshelesi vhanzhi, zwigidi na mahumi a zwigidi.”—Mudz.] Ndi a ni livhuwa, mune wanga. Izwo ndi zwavhuđi nga maanda. Ndi takalela u pfa ḥenelo. Mudzimu a ni fhaṭutshedze noṭhe.

¹⁴ Huno zwa vhukuma ndo vha wa u takalela Angelus Temple mbiluni yanga, nga ḥn̄hani ha u ima na Mafhungo-madifha o ḫalaho a Yesu Kristo. Huno, zwino, lī-lī pfala lī tshi nk̄wamesa zwino. Zwi tou nga, nga murahu ha u ḫangana na muñwe na muñwe na u vhona maya wavho wavhudži, ndi vhonala ndi tshi nga ndi tou vha muñwe wa vhoiñwi u fhira zwe nda vha ndi tshi anzela u vha zwone. Mudzimu a ni fhaṭutshedze, ndi thabelo yanga. Huno...[Vhathetshelesi vha vhanda zwanda—Mudz.] Ndi a ni livhuwa, nga vhulenda.

¹⁵ Zwino, ho ḫivhadzwa zwauri ḥnamusi ndi ḫo amba na vhoiñwi lwa tshifhinganyana nga ha: *Nganeavhutshilo Yanga*. Hetsho ndi tshi—tshithu tshi kondaho kha nne. Holu lu ḫo vha lwa u thoma lwe nda lingedza u amba nga hayo lwa miñwaha minzhi. Huno a thi nga vhi na tshifhinga tsha u dzhena kha zwidodombedzwa, fhedzi tshipiđa tshayyo. Huno, ngomu hafha, ndo ita khakho nnzhi, ndo ita zwithu zwinzhi zwo khakheaho. Huno ndi ḫo tama, uri vhoiñwi vhane na vha kha shango la radio na vhoiñwi ni re hone, uri ni nga si dzhie khakho dzanga sa matombo ane a khukhula, fhedzi sa matombo ane ni nga kanda khao u ni disa tsini ha Murena Yesu.

¹⁶ Zwenezwo, madekwana a ḥnamusi, hu ḫo kovhiwa garata dza thabelo u itela tshumelo ya phodzo madekwana a ḥnamusi. Zwino, musi ri tshi amba nga ha *tshumelo ya phodzo*, a zwi ambi uri ri khou ya u fhodza muñwe muthu, ri khou ya u “rabelela muñwe muthu.” Mudzimu ndi ene a fhodzaho. U kha di bvou tou vha wa tshilidzi kha nne, u fhindula thabelo.

¹⁷ Huno ndo vha ndi tshi khou amba na mulangi wa muevngeli a ḫivheaho, fhano nga tshiñwe tshifhinga tsho fhiraho, huno—huno ha vhudziswa uri ndi ngani uyu muevngeli a songo rabelela vhalwadze. Huno muevngeli a fhindula mu—mulangi wa miñgano yanga, a ri, “Arali... Muevngeli uyu u tenda kha phodzo ya Muya. Fhedzi arali a tshi ḫo thoma u rabelela vhalwadze, zwi ḫo thithisa tshumelo yawe ngauri u tikedzwa nga zwivhidzo. Zwivhidzo zwinzhi, na vhunzhi hazwo, a zwi tendi kha phodzo ya Muya.”

¹⁸ Ngauralo ndi na vhuhulisei na ḫonifho kha uyo muevngeli ngauri u khou imela fhethu hawe, vhuimo hawe ha mushumo. Kharwe o vha a tshi nga...Nne ndo vha ndi si nga dzhii vhuimo hawe na kathihi, huno ndi a timatima uri kana o vha a tshi nga dzhia vhuimo hanga. Roṭhe ri na fhethu Muvhusoni wa Mudzimu. Roṭhe ro ḫanganywa huthihi.

Mikovhe yo fhambanaho, fhedzi Muya u wonoyo muthihi. U divhonadza ho fhambanaho, ndo vha ndi tshi ḥodou ralo, fhedzi Muya u wonoyo muthihi.

¹⁹ Huno, zwino, madekwana a ɿamusi tshumelo dzi do thoma... Ndi elekanya uri vho ri khontsati i thoma nga hafu u bva kha awara ya rathi. Huno, zwino, arali ni nn̄da kha shango la radio, dzenani ni de u thetshelesa hezwi. Zwi... Zwi do vha zwo nakaho, zwo ralo tshifhinga tshothe.

²⁰ Huno zwenezwo ndi tama u amba zwauri garaa dza thabelo dzi do kovhiwa nga u ḥavhanya nga murahu ha tshumelo heyi, nga u ḥavhanya musi tshumelo yo no fhela, arali ni fhano nahone ni tshi ḥoda garaa ya thabelo. Ndo ɿewa ndaela ngomu hafhalaa zwifhinganyana zwi si gathi zwo fhiraho, murwa wanga kana Vho-Mercier kana Vho-Goad, vha do vha vha tshi kovha garaa dza thabelo. Dzulani fhedzi tshidzuloni tshañu. Musi tshumelo yo no fhela, salani no dzula tshidzuloni tshañu fhedzi uri vhatukana vha kone u dzhena kha muduba nahone vha kovhe garaa dza thabelo nga u ḥavhanya u ya nga hune zwa konadzea. Hezwo zwi do itwa madzuloni a n̄tha kana fhasi, huriwe na huriwe, fuloroni dza fhasi kana huriwe na huriwe hune na vha hone, dzulani fhedzi kha tshidzulo tshañu huno vhatukana vha do divha zwauri ni fhano nga n̄thani ha u ḥoda garaa ya thabelo. Huno zwenezwo madekwana a ɿamusi ri do vha ri tshi khou rabelela vhalwadze. Huno arali Murena a sa shandukisi mihumumbulo yanga, ndi ḥoda u rera nga ha thoho madekwana a ɿamusi, *Arali Ni Tshi Do Ri Sumbedza Khotsi, Zwi Do Ri Fusha.*

²¹ Zwino ndi tama u vhala ndi tshi itela liñwalwa masiari ano, uri ndi thome fhedzi *Nganeavhutshilo*, li no wanala kha Bugu ya Vhaheberu, ndima ya 13, huno kha ri thome hafha kha... Ndi do ri kha ndimana ya 12.

*Ndi ngazwo Yesu na ene-vho, uri a ḥanzwe vhatu
nga malofha awe, o shengedzwa nn̄da ha khoro.*

*Nga ri ye...ngauralo kha ene nn̄da ha gammab, ro
hwala u nyadziwa hawé.*

*Ngauri fhano a ri na mudi une wa do di vha hone,
fhedzi ri ḥoda uyo u daho.*

²² Zwino holwo ndi lushaka lwa liñwalwa. Ngauri, ni a vhona, arali i nganeavhutshilo, kana tshiñwe tshithu tsho teaho muthu, itsho a ri tshi khodi, nahone nga maandamaanda vhu-vhutshilo ho fhiraho ha muthu, arali ho vha ha swiswi u fana na hanga. Fhedzi ndo elekanya, arali ri tshi vhala Luñwalo, Mudzimu u do fhañutshedza Luñwalo. Huno muhumumbulo wanga ndi:

*Ngauri fhano a ri na mudi une wa do di vha hone,
fhedzi ri ḥoda uyo u daho.*

²³ Zwino, ndi a zwi divha uri ni funa Los Angeles nga maanda. Ni na pfanelo ya u vha nga u ralo. Ndi mudi muhulwane, wo nakaho. U na vhutsi na zwiñwe-who, naho zwe ralo ndi mudi wo nakaho, kilima yavhudi. Fhedzi hoyu mudi u nga si dzule u hone, u tea u vha na magumo.

²⁴ Ndo vhuya nda ima Roma (hune vhavhusi vhahulu) na midi ye vha elekanya uri vha do i fhaña ya dzula i hone nga misi, huno vha gwa fhasi fithi dza mahumi mavhili uri hu vhuye hu wanale marubi ayo.

²⁵ Ndo no ima he Vhofarao vha vha vhe na mivhuso yavho mihulwane, huno no vha ni tshi nga gwa fhasi mavuni u wana he Vhofarao vhahulwane vha vhusa.

²⁶ Roñe ri takalela u elekanya nga ha mudi washu na fhethu hashu. Fhedzi, elelwani, u nga si dzule u hone.

²⁷ Musi ndi tshee mutukana muñku ndo vha ndi tshi anzela u ya murini muhulwane wa mumapuli. Shangoni langa ri na thanda yo khwathaho yo andaho. Huno zwenezwo ro vha ri na iyi miri ya mimapuli, mumapuli wa tshugela, na une ra u vhidza “mumapuli u kondaho” na “mumapuli mutete.” Hoyu muri muhuluhulu, wo vha u muri wo nakesaho. Huno musi ndi tshi dzhena ndi tshi vhuya masimuni, u shuma furuni na—na dzikhanoni, ndo vha ndi tshi funa u ya kha hoyu muri muhulu nahone—nahone nda dzula nga fhasi hawo huno—huno nda sedza nthia. Huno ndo vha ndi tshi kona u vhona matavhi awo mahulwane, o khwathaho a tshi dzinginyea muyani, tsinde lawo lihuluhulu. Huno nda ri, “Ni a divha, ndi tenda uri hoyu muri u do vha fhano lwa maðana na maðana a miñwaha.” Hu si kale ndo do sedza uyo muri wa kale, u tou vha ñhamu ñhukhu yo omaho.

²⁸ “Ngauri fhano a ri na mudi une wa do di vha hone.” Hai, a hu na tshitihu fhano kha lifhasi tshine ni nga tshi sedza tsha dzula tshi hone. Tshi tea u vha na magumo. Tshitihu tshiñwe na tshiñwe tshine tsha fa tshi fanela u sendelela u sa fa. Ngauralo a hu londwi uri magondo ashu ri a fhaña zwavhuði hani, ri ita zwifhaño zwashu zwavhuði hani, zwoñthe zwe tea u ngalangala, ngauri fhano a hu na tshine tsha do di vha hone. Ndi Tshi sa vhonwi fhedzi tshine tsha do di vha hone.

²⁹ Ndi elelwa nndu ye ra vha ri tshi dzula khayo, yo vha i nndu ya kale yo itwaho nga thanda yo namiwaho nga thophe. Ndi... Khañwe vhanzhi na kathihi a vha athu vhona nndu yo namiwaho nga thophe. Fhedzi yo vha yo namiwa yoñhe nga thophe, na thanda khulukhulu dze dza vha dzi nnuni ya kale, ndo elekanya uri iyo nndu i do dzula i hone maðana a miñwaha. Fhedzi, ni a divha, ñamusi afho he iyo nndu ya vha i hone hu na thandelo ya dzinndu. Ho no vha ho fhambanaho nga maanda. Tshiñwe na tshiñwe tshi khou shanduka. Fhedzi...

³⁰ Huno ndo vha ndi tshi anzela u vhona khotsi anga, vho vha vha tshi tou vha munna mupfufhi, mudenya, o khwathaho

nga maanda, nahone vho vha vhe miñwe wa vhanna vhaṭuku vho khwaṭhesaho vhe nda vha ndi tshi vha divha. Ndo tangana na Vho-Coots, muthu we vha vha vha tshi anzela u shuma nae matandani, e muremi wa thanda, huno zwi ṭodou ita ñwaha, huno Vho-Coots ndi khonani yanga yavhudì nga maanda, nahone ndi mudikoni kha tshivhidzo tsha U ranga tsha Baphuthisi, huno vha ri, “Billy, ni tea u vha munna a re na maanda vhukuma.”

Huno nda ri, “Hai, a tho ngo ralo, Vho-Coots.”

³¹ Vha ri, “Arali no dzhielela khotsi aṇu, ni ḍo vha nga u ralo.” Ha pfi, “Ndo vhona uyo munna, a tshi lemela phaundu dza ḫana na mahumi maṇa, a tshi ḫaisa thanda n̄ha ha goloi e eṭhe, ye ya vha i tshi lemela phaundu dza maḍana a ṭahe.” Vho tou divha zwauri vha tea u zwi ita hani. Vho vha vho khwaṭha. Ndo vha ndi tshi vha vhona vha tshi dzhena fhethu u ḫamba na u ḫilugisela tshiswiṭulo, musi Mma vho vha vhidza.

³² Huno ro vha ri na muri wa muapuļa wa kale nn̄da džharatani ya nga phanda, huno zwenezwo ho vha hu na miñwe miraru kana miña miṭuku u yela murahu. Huno murini u re heneffo vhukati ho vha hu na ngilasi ya kale ya u divhona, yo kwasheaho, tshivhoni, tshihulwane. Huno tsho vha tsho ombelwa kha lurumbu lwa muri nga zwibigiri two khothelwaho ngomu. Two vha zwi tshi fana na zwine vhañwe vha vhoiñwi vhavhadi vha no khou thetshelesa ngomu hafhano vha nga zwi vhidza “zwinembeledza madzhasi.” Two vha two khothelwa ngomu uri zwi kone u fara ngilasi vhudzuloni hayo. Huno ho vha hu na gamu ya kale ya thini. Ndi vhangana vho no vhuyaho vha vhona thini ya kale... gamu ya tshikalekale ya thini? Ndi kona u tou i vhona.

³³ Huno zwenezwo ho vha hu na kubanngana kune ha ḫambelwa khakwo, ku tshi tou vha bodo thukhu i re na mulenzhe muṭuku wo tshingamaho nga fhasi hakwo, kwo ombelwa kha muri. Tshibommbi, tsha kale, tsha hafu ya salifa heneffo he ra vha ri tshi bommba madi, nahone ri tshi ḫamba murini wonoyu wa kale. Huno Mma vho vha vha tshi anzela u dzhia saga dza vhukhopfu huno vha ita dzithaula. Hu na we a vhuya a shumisa thaula yo itwaho nga saga ya vhukhopfu? Ndi zwone, ndi na ngoho uri zwino ndi pfa ndi hayani. Na dzenedziла thaula khulu, dza kale dza u hwasa! Huno musi vha tshi ri ḫambisa muvhili riñe vhana vhaṭuku, vho vha... tshi pfa unga vha khou huṭa mukumba tshifhinga tshoṭhe vha tshi ri huṭa. Huno ndi elelwa ila saga ya kale ya vhukhopfu. Huno vho vha vha tshi kokodzela dziñwe nnzi nn̄da, vha ita thasele thukhu, u lingedza u i nakisa.

³⁴ Ndi vhangana vho no edelaho n̄ha ha thovho ya maṭanga? Zwo luga, ndi ḍo—ḍo amba! Ndi vhangana vho no vhuyaho vha zwi ḫivha ūri musiamelo wa makanda wo vha u mini?

Zwo luga, Mukomana Glover, ndi hayani zwino, ngoho-ngoho! Thovho ya maṭanga, ndi zwone, a hu athu fhela tshifhinga tshilapfu ndo vuwa kha iñwe, huno yo vha i...Oo, i—i ededza zwavhudi, i a rotholela. Zwenezwo tshifhingani tsha vhuriha vha dzhia vhulalo ha kale ha mithenga huno vha vhu adza n̄ha hayo, ni a ñivha, huno zwenezwo vha tea u kapea tshipiḍa tsha seila n̄ha hashu ngauri mahāda o vha o vhudzulela ngomu ha mi—mi—mitwe i re nd̄uni, ni a ñivha, he mbondo dza kale dza kiłapubodo dza vha dži tshi do takulea, ni a ñivha, huno mahāda a tea u swiela a tshi fhira khadzo. Huno, oo, ndi kona u zwi elelwa zwavhudi nga maanda.

³⁵ Huno zwenezwo Khotsi vho vha vha tshi anzela u vha na bulatsho ya u vheula. Ndi...Zwino heļi li do ni wana. Yo vha yo itwa nga makanda a mavhele, bulatsho ya u vheula i re na makanda a mavhele. Vho vha vha tshi dzhia tshisibe tsha kale tsha alkali tsha mma tshe vha tshi ita, vha tshi lugisa huno vha tshi dōdza kha tshifhaṭuwo tshavho nga heyi bulatsho ya makanda a mavhele, huno vha tshi vheula nga tshiredzə tshihulu, tsha kale tsho onyolowaho. Huno nga Swondaha vho vha vha tshi dzhia zwi—zwipiḍa zwa bammbiri, vha zwi nambatedza u mona na kholoro yavho, vho vha vha tshi ambara kholoro dza pułasitiki huno vha dži monisa na kholoro nga heyi ndila u thivhela ma—ma—mapulo uri a songo dzhena kha kholoro ya hemmbe yavho. Naa no nga na vhonā izwo zwi tshi itwa? Mulandu, nnenñe, nnenñe!

³⁶ Ndi elelwa tshisima tshiṭuku tsha kale fhasi, he ra vha ri tshi anzela u ya ra ka mađi a u nwa, nahone ra ka mađi ashu nga khavho ya kale. Ndi vhangana vho no vhuyaho vha vhonā khavho? Zwo luga, ndi vhangana kha vho inwi vhane vha bva Kentucky, naho zwo ralo? Iina, ndi zwone, itonu sedza hafha kha vha Kentucky. Ndi zwone, nnenñe, nne—nne ndi heneffo kha...Ndo elekanya uri vhothe ndi Vhaokisi na Vhaarikisi nnnda hafhano, fhedzi zwi tou nga Kentucky i khou dzhena. Ndi zwone, vho wana ole Kentucky miñwedzi i si gathi yo fhiraho, ni a ñivha, ngauralo khamusi vhañwe vhavho vha khou dela thungo ino.

³⁷ Huno zwenezwo ndi elelwa musi Khotsi vha tshi anzela u dzhena huno vha ḥamba u itela tshiswiṭulo, vho vha vha tshi finya zwanda zwavho zwa hemmbe, vhe na zwanda zwipfufhi zwiṭuku zwidenya. Huno musi vha tshi imisa zwanda zwavho vha ḥambe, vha dishela mađi tshifhaṭuwoni tshavho, iyo misipha yo vha i tshi sokou kukumūwa zwandani zwavho zwiṭuku. Huno nda ri, “Ni a ñivha, khotsi anga vha do tshila u swika miñwaha ya ḥana na mahumi maṭanu.” Vho vha vho khwaṭha nga maanda! Fhedzi vho fa vhe na miñwaha ya mahumi maṭanu na mivhili. Ni a vhonā? “Fhano a ri na mudi une wa do di vha hone.” Izwo ndi zwone. Ri nga si kone u dzula ri hone.

³⁸ Zwino kha ri dzhie lwendo luṭuku, riñe roṭhe. Muñwe na muñwe wañu fhano u na nganeavhutshilo, sa nne, huno

ndi zwavhuđi u tshimbila ndilani ya nyelelwo luthihi nga tshifhinganyana. A ni elekanyi nga u ralo? Humelani fhedzi murahu, huno rine rođe kha ri ye murahu lwa tshifhinganyana, murahu kha tshenzhemo dzi fanaho na dza musi ri tshi kha di vha vhana vhađuku.

³⁹ Huno zwino tshipida tsha u thoma tsha nganeavhutshilo. Ndi do tou i kwama zwituku, ngauri i kha bugu huno vhunzhi hañu ni na bugu.

⁴⁰ Ndo bebelwa kuzhazhani ku re thavhani, n̄tha-n̄tha thavhani dla Kentucky. Vho vha vhe na lufhera luthihi lwe ra vha ri tshi dzula khalwo, hu si na na methe phasi, na thanda i siho phasi, ho vha hu tshi tou vha phasi hu si na tshithu. Huno tshitanda, tsho tumulwaho nga n̄tha tshi re na milenzhe miraru, tsho vha tshi tafula yashu. Huno avho Vhabranhama vhađuku vhođe vho vha vha tshi thophana heneffo, na nn̄da nga phanda ha ukwo kuzhazha kwa kale, huno vho no vhumbuluwa, hu tshi vphonala unga ndi he sambi la nguluvhe la vha li tshi khou vhumbuluwa heneffo nn̄da buseni, ni a divha, vharathu vhađuku vhođe. Ro vha ri tahe, na musidzana mutuku muthihî, huno zwa vhukuma o vha na tshifhinga tshi kondaho vhukati ha itsho tshivhalonyana tsha vhatukana. Ro tea u mu hulisa na namusi nga nwambo wa zwithu zwe ra zwi ita mađuvhani ayo. O vha a sa koni u ya na rine huđwe fhethu, ro vha ri tshi do mu gidi medza, o vha e musidzana. Ngauralo ho ngo kona u zwi kondelela, ni a divha. Ngauralo ro vha ri na... Huno zwođe...

⁴¹ Elelwani uri nga murahu ha tafula ro vha ri na zwidulo zwivhili fhedzi, huno zwe vha zwe itwa nga gwati la davhi. Hu tshi tou vha fhedzi zwitandana zwa muhikori wa kale zwe vhwahao fhethu huthihi, huno phasi hazwo zwe adzelwa gwati la muhikori. Hu na we a vhuya a vhona tshidulo tsha gwati la muhikori? Iina. Huno ndi kha di kona u pfa Mma. Oo, nga murahu ha musi ri tshi swika he vha vha tshi kona u vha na phasi ho itwaho nga thanda, na uvho vhushie vhu kha tshirumbi tshavho nga *heyi* ndila, huno vha tshi rwisa itsho tshidulo tsha kale na phasi tshi tshi sokou ita phosho, tsha sokou ita phosho, tshi tshi rwa phasi. Huno ndi elelwani musi ndi tshi dzivhisa vhana vhađuku u bva nga muđango, musi vha tshi tanzwa kana tshiňe tshithu, vho vha vha tshi vhea tshidulo phasi huno vha tshi rambaladza na muđango nga inwe ndila, u thivhela vhana vhađuku u bvela nn̄da musi vha tshi tea u ya tshisimani u ka mađi, na u ita zwiňwe.

⁴² Huno Mma vho vha vhe na miňwaha ya fumiđhanu musi ndi tshi bebiwa, Khotsi vhe na fumimalo. Huno ndo vha ndi tanzhe kha vhana vha tahe. Huno vho mmbudza zwauri matsheloni e nda bebwa...

⁴³ Zwino, ro vha ri zwisiwana nga maanda, ri tshi tou vha zwisiwana zwa u fhedza. Huno ro vha ri si na na fasiđere kuzhazhani hoku. Kwo vha ku na tshire tsha nga vothi liđuku

la thanda line na vula. Ndi a timatima uri kana no no vhuya na vhona tshithu tshi no nga hetsho. Vothi lituku la thanda le la vha li tshi vulea vhudzuloni ha fasiṭere, ni tshi dzula no li vula massiari huno na li vala vhusiku. Ro vha ri si na uri ri nga funga mbone dza mudagasi kana ra funga luvhone lwa mapfura maduvhani ayo, ro vha ri na tshirena tshi vhidza “luvhone lwa girisi.” Zwino, a thi divhi uri kana ni a divha uri luvhone lwa girisi two vha lu mini. Ndi zwone, ndi mini tshirena... Nahone no no vhuya na renga... na funga thambo ya phaini? Ngauri itonu dzhia thambo ya phaini huno ni i funge nahone ni i vhee ntha ha tshitibo, i do duga. Huno iyo ndi...yo dubiselwaho vhutsi zwiṭukunyana, fhedzi vho vha vha si na fanitshara, naho zwe ralo, u i dubisela vhutsi. Ngauralo lo tou...zhazha lo dala vhutsi. Ho vha vhu tshi duba zwavhuđi ngauri thanga yo vha i khulwane n̄tha heneffo uri vhu kone u duba. Ngauralo ho... .

⁴⁴ Huno ndo bebwā nga Lambamai nga—nga la 6, 1909. A hu na zwiñwe, ni a divha, hezwo zwi nnyita uri ndi vhe nthanyana ha miñwaha ya mahumi makhili na miñanu zwino. Huno ngauralo, matsheloni e nda bebwā, Mma vho ri vho vula fasitere. Zwino, ro vha ri si na dokotela, ho vha hu na mubebisi. Fhedzi... Huno uyo mubebisi o vha e makhulu wanga vha mukegulu. Huno ngauralo musi ndo no bebiwa nahone lu lwa u thoma ndi tshi lila, na—na Mma vha ḥoda u vhona ḥwana wavho. Huno—huno vhone muñe vho vha vha tshi tou nga ḥwana. Huno musi vho no vula kufasiṭere, musi li tshi tsha, i tshi ḥoda u rwa awara ya vhutanu n̄tha ha tshithoma. Huno... Ho vha hu na robini ya kale yo dzulaho n̄ga thungo ha tshiṭakanyana. Sa izwo nothe no no vhona tshifanyiso tshayo kha—kha bugu ya nganeavhutshilo yanga. Robini ya kale yo vha yo dzula heneffo i tshi khou sokou diimbelela zwe zwa vha zwi ngomu hayo.

⁴⁵ Ndo vha wa u funa dzirobini tshifhinga tshothe. Zwino, vhoinwi vhatukana vha re nn̄da kha shango la radio, ni songo thuntsha zwiñoni zwanga. Ni a vhona, zwi a—zwi a—zwi a... Izwo ndi zwiñoni zwanga. Naa no no vhuya na pfa lungano lwa kale lwa robini, uri yo wana hani khana yayo tswuku? Ndi do ima heneffha lwa tshifhinganyana. Nga ndila ye ya wana khana yayo tswuku... Henengei Khosi ya dzikhosi yo vha i tshi khou fa liñwe ḫuvha kha Tshifhambano, huno Yo vha i tshi khou shengela nahone a hu na we a vha a tshi do da Khayo. Yo vha i si na we a vha a tshi nga I thusa. Huno ho vha hu na tshiñoni tshiṭuku tsha muronzhe tshe tsha vha tshi tshi khou ḥoda u bvisa zwibigiri kha Tshifhambano, huno tsha dzulela u fhufhela kha Tshifhambano nahone tshi tshi dzinginyisa izwo zwibigiri. Tsho vha tshi tshiṭukusa u nga kona u zwi bvisa, huno khana yatsho ḫukhu ya tswukala yothe nga malofha. Huno u bva tsheetsho khana yatsho yo mbo vha tswuku. Ni songo tshi thuntsha, vhatukana. Tshi litsheni tshi tshothe.

⁴⁶ Tsho vha tsho dzula kha lurumbu lwa fasiṭere, tshi tshi lila sa robini dzi tshi imba. Huno—huno Khotsi vha sukumedzela fasitere murahu. Huno musi vho no sukumedzela vothi la fasiṭere lituku murahu, itsho Tshedza tshire na khou tshi vhona kha tshifanyiso tsha dzhena tshi tshi mona kha fasitere, mme anga vha ralo, huno tsha ima nga n̄tha ha vhulalo. Makhulu vha mukegulu a vho ngo ḋivha uri vha nga ri mini.

⁴⁷ Zwino, riñe ri...wo vha u si muta wa vhurereli. Vhathu vhanga ndi vha Katolika. Nne ndi Muairishi thungo mbili. Khotsi anga ndi Muairishi tshoṭhe-tshoṭhe, Branham. Mme anga ndi Mu-Harvey; fhedzi, khotsi avho vho mala Cherokee Indian, ngauralo hezwo zwo tumula lutsinga luṭuku lwa malofha a Vhuairishi. Huno Khotsi na Mma vho vha vha sa yi tshivhidzoni, huno vho malana vhe nnda ha tshivhidzo nahone vho vha vha si na vhurereli na luthihi. Huno murahu henengei dzithavhani ho vha hu si na na tshivhidzo tsha Katolika. Ngauralo vho da hangeno kha maseṭelara a u thoma, Vhabranhama vhavhili vho mbo da hangeno, huno u bva kha avho ho mbo simuwa murafho woṭhe wa Vhabranhama; ndi lutsinga lwa muta.

⁴⁸ Huno zwenezwo vha vula... Musi vho vula ili fasiṭere huno itshi Tshedza tsho ima ngomu heneffo, a vho ngo ḋivha uri vha nga ita mini. Khotsi vho vha vho direngela (Mma vho ralo) phere ntswa ya maovarolo vha tshi itela hetshi tshiitea. Vho vha vho ima na...zwanda zwavho zwi khanani ya maovarolo a kale, vhunga e vhanna vha no ṭwa ḍakani na vharemi vha miri vha shumisa mađuvhani ayo. Huno tsho vha ofhisia.

⁴⁹ Ndi zwone, nga murahu ha musi ndo no vha na mađuvhahane khamusi a vha a fumi, kana tshiñwe tshithu, vho nnzhia vha nnyisa tshivhidzoni tshiṭuku tsha Baphuthisi tshi vhidzwaho “Muvhuso wa Opossum,” tshivhidzo tsha Baphuthisi tsha Muvhuso wa Opossum. Ilo ndi dzina vhukuma. Ho vha hu na mureri wa kale a endaho, mureri wa tshikalekale wa Baphuthisi o fhira henengei lune lwa ṭoda u vha luthihi kha miñwedzi miñwe na miñwe mivhili. Ngā...Vhathu vho vha vha tshi vha na tshumelo ḥukhu fethu huthihi, vho vha vha tshi ya vha imba dzinwe nyimbo, fhedzi vho vha vha tshi ita vha tshi wana therio bvaho kha munameli a endaho. Vho vha vha tshi mu badela ንwaha muñwe na muñwe nga saga ya mafhuri na zwithu zwi si gathi zwi no nga zwenezwo, ni a ḋivha, zwe vhathu vha vha tshi zwi bveledza u mu nea. Huno uyo mureri wa kale o mbo da, huno heneffo a nthabelela ndi tshi kha di vha mutukana muṭuku. Holwo lwo vha lwendo lwanga lwa u thoma lwa u ya tshivhidzoni.

⁵⁰ Nga ንwaha une wa ṭoda u vha...tshiñwe tshithu tshire tsha vha zwiṭukunyana nga n̄tha ha miñwaha mivhili, bono la u thoma la bvelela.

⁵¹ Ndi zwone, vho vha vho no amba u mona hoṭhe henengei dzithavhani zwauri “Itshi Tshedza tsho dzhena.” Ngauralo vho

lingedza u elekanya nga hatsho. Vhañwe vhavho vho ri hu fanela ho vha hu tshedza tsha ñuvha tshe tsha vhonisa kha tshivhoni ngomu nñuni. Fhedzi ho vha hu si na tshivhoni ngomu heneffho. Nahone ñuvha lo vha li sa athu ñavha, ngauralo ho vha hu tshi kha di vha nga u ñavhanya nga maanda, nga awara ya vhuñanu ntha ha tshithoma. Huno zwenezwo, oo, vha sokou Tshi fhira. Huno musi ndi tshi vho hovhelela . . . zwi dzhieni ndi tsini na u fara miñwaha miraru . . .

⁵² Zwino, ndi tea u fulufhedzea. Hu na zwithu hafha zwine nda si fune u zwi amba, huno ndi tama ndo vha ndi tshi nga zwi pfuka huno nda si tee u zwi amba. Fhedzi naho zwo ralo, u amba ngoho, ni tea u amba ngoho arali i kha inwi kana vhatthu vha hanu. Ivhani a fulufhedzeaho nga hayo, huno zwenezwo i do dzula i sa shanduki tshifhinga tshothe.

⁵³ Khotsi anga vho vha vhe kule na u vha muthu wa vhurereli. Vho vha vhe mutukana wa lushaka lwa thavhani we a vha a tshi nwa nga misi, tshifhinga tshothe. Huno vho vhuya vha dzhena kha inwe khakhathi nndwani, huno ho vha na vhanha vhavhili kana vhararu vhe vha ñodou vhulawa musi vha tshi khou lwa, vha tshi thuntshana, na u ñavhana nga dziphanga, kha luñwe lushaka lwa tshimima ntha dzithavhani. Huno Khotsi vho vha vhe muñwe wa vharangaphanda vha iyi nndwa, ngauri khonani yavho yo do huvhala, nahone yo vha yo rwa muñwe nga tshidulo. Huno o vha . . . Munna o vha o bvisa lufhangi huno o vha a tshi khou yo ñavha khonani ya Khotsi ye ya vha i fhasi nga ulu lufhangi, u phuletshedza mbiluni yawe, huno Khotsi vha mu lwela. Huno zwa vhukuma i fanela u vha yo vha nndwa tswuku, ngauri vhone, kha lwendo lwothe lwa u tsela fhasi u ya Burkesville, vhukule ha maela nnzhi, vho rumela pholisa li tshi khou tevhelela Khotsi, lo namela bere.

⁵⁴ Ngauralo munna o vha e tsini na lufu. Hu nga di vha hu na vhanwe vhathu vhawé vha no khou thetshelesa. Ndi khou yo bula dzina ñawé, Will Yarbrough lo vha li dzina ñawé. Thañwe vho . . . Ndi elekanya uri vhanwe vhavho vha California, vha vhatukana vhawé. Fhedzi o vha e khunzi, munna muhulwane a re na maanda, o vhulaha mutukana wawé nga tsimbi ya luhura. Ngauralo o—o vha e munna a re na maanda nga maanda nahone e muvhí. Huno ngauralo ho vha hu na nndwa khulwane ya phanga vhukati hawé na Khotsi. Huno khotsi anga vho ñodou vhulaha uyo munna, ngauralo a tea u gidima huno a ñuwa Kentucky nahone a pfuka mulambo a ya Indiana.

⁵⁵ Huno o vha e na mukomana we a dzula, nga tshenetsho tshifhinga, kha la Louisville Kentucky, e tshanda tsha mulavhelesi wa Wood Mosaic Saw Mills ngei Kentucky, kha la Louisville. Huno ngauralo Khotsi vha da vha wana mukomana wavho. Khotsi vho vha vhe muñku kha vhatukana, kha vhana vha fumisumbe. Huno ngauralo vha da u wana mukomana wavho, nahone o ñuwa lu no ñodou fhedza ñwaha. O vha a sa

koni u vhuya, ngauri mulayo wo vha u tshi mu ḥođa. Huno zwenezwo musi ro no pfa zwi bvaho khae nga luňwalo, lwo sainiwaho nga liňwe dzina, fhedzi a vha o no vhudza mma uri zwi ḥo vha hani vha tshi ḥo pfa zwi bvaho khae.

⁵⁶ Huno zwenezwo ndi elelwa liňwe duvha tshisima (hoku kuzhazha) tsho vha tshi tshi tou vha murahu ha nnđu. Huno—huno tshifhingani itsho nga murahu... Ho vha hu na ya tahe... phambano ya miňwedzi ya fuminthihi vhukati hanga na murathu wanga a no ntevhela, huno o vha a tshi kha di swenda. Huno ndo vha ndi na tombo lihulu tshandani tshanga, nahone ndo vha ndi tshi khou lingedza u mu sumbedza uri ndi nga posela ili tombo nga maanda mangafhani thopheni ya kale, he tshisima tsha vha tshi si tsha sisima madi mavuni huno tsha vha tsho ita mavu thophe. Huno nda pfa tshiňoni, nahone tshi tshi khou imba ntha kha muri. Huno nda sedza kha uyo muri huno tshiňoni tsha mbo fhufha, huno, musi tsho no ralo, Ipfi la amba na nne.

⁵⁷ Zwino, ndi a zwi ḥivha zwauri ni elekanya zwauri a tho ngo kona u elekanya na u elelwa hezwo. Fhedzi Murena Mudzimu Ane a vha Muhačuli, lifhasi na mađadulu na zweithe zwi re hone, zwi a ḥivha uri ndi khou amba ngoho.

⁵⁸ Hetsho tshiňoni, musi tshi tshi fhufhela kule, Ipfi la da li tshi bva he tshiňoni tsha vha tshi kha muri, vhunga maya wo fashwa tshitakaní, huno La ri, “U do dzula tsini ha mudi u no pfi New Albany.” Huno ndo dzula, u bva tshifhingani tsha musi ndi na miňwaha miraru u swika tshifhingani tshino, hune hu sa fhire maela tharu u bva New Albany, Indiana.

⁵⁹ Nda dzhena nahone nda vhudza mme anga nga hazwo. Zwo ralo, vha humbula uri ndo vha ndi tshi khou tou lora kana tshiňwe tshithu.

⁶⁰ Nga murahu ha afho ro mbo pfulutshela Indiana huno Khotsi vha ya u shumela munna, Vho-Wathen, munna o pfumaho. U na Wathen Distilleries. Huno o vha e na mukovhe muhulwane; o vha e radzimilioni nnzhi, na Louisville Colonels, na—na besibola, na zwinwe-vho. Huno zwenezwo ra dzula tsini na heneffo. Huno Khotsi vhe munna wa mushai, naho zwo ralo vho vha vha sa koni u tshila hu si na uri vha nwe, ngauralo vha—vha ya vha ita wisiki ngomu—ngomu mutshinini.

⁶¹ Huno zwenezwo zwo mmbangela vhukondi ngauri ndo vha ndi tanzhe kha vhana. Nda tea u da huno nda ka madi nda a disa mutshinini hoyu, u rothodza idzo thambo musi vha tshi khou ita wisiki. Zwenezwo vha thoma u i rengisa, huno zwenezwo vha wana mivhili kana miraru ya iyo mitshini. Zwino, hetsho ndi tshipiđa tshire nda si fune utshi bula, fhedzi ndi ngoho.

⁶² Huno ndi elelwa liňwe duvha, ndi tshi bva duluni, ndi tshi da nduni, ndi tshi khou lila. Ngauri ngei nnđa murahu ha fhethu ho vha hu na kutivha, ku...he vha vha vha tshi anzela u kwasha mukwatu. Vhunzhi hanu ni a elelwa musi

vha tshi anzela u kwasha mukwatu huno vha u dzenisa ngomu ha manyelo a saha. Ndi zwone, heyo ndi ndila ye Vho-Wathen vha vhulunga mukwatu ngayo ngei nnda shangoni. Huno Khotsi vho vha vhe mu—mutshaeli wavho, mutshaeli wa phuraivete. Huno musi...kutivha uku kwo vha kwo dala khovhe huno musi vho vha tshi ya u kwasha mukwatu huno vha u disa ngomu nahone vha u dzenisa kha manyelo a saha, zwenezwo musi mukwatu wo no noka tshifhingani tsha tshilimo u tshi tsela fhasi, ndi dzhia urī wo vha wo kuna, vhunga mukwatu wa isha, huno vho vha tshi kona u u shumisa, hu si u nwa, fhedzi u ita uri madi a dzule a tshi rothola, vha u vhea u mona na mabakhetha avho na mafhi avho, na zwiñwe-vho.

⁶³ Huno nga liñwe ñuvha ndo hwala madi a bvaho nnda ngei murahu kha iyi bommbi, ye ya vha i vhukule ha buloko ya muñi. Ndo vha ndi tshi khou ñavhela mukosi uyo ane a sa ño vha nayo, ngauri ndo vha ñdo no vhuya tshikoloni nahone vhatukana vhothe vho vha vho bva vho ya kutivhani, vha tshi khou rea khovhe. Ndo vha ndi tshi tou zwi funa zwa u rea khovhe. Huno ngauralo vhothe vho kona u ya u rea khovhe nga nnda ha nne, huno nda tea u kelela madi a no do shumiswa kha uyu mutshini. A hu na zwiñwe, nnenne, hezwo zwa tea u sa ambiwa, yo vha i nyiledzo. Huno nne... Ho vha hu vhukondi vhuhulwane. Huno ndi elelwu musi ndi tshi ña afho ndi na gunwe ño khukhulwaho, huno ndo vha ndi na mukope wa ñivhele wo putelwaho nga fhasi ha gunwe ñanga urī ñi tsireledzee kha buse. Naa no no vhuya na zwi ita hezwo? Vheani zwañu mukope wa ñivhele nga fhasi ha gunwe ñangu nga heyi ndila nahone ni vhofhelele ludzi u mona ñalo. U takulela gunwe ñangu ñtha u ñodou fana na ñohoho ya tshibode, ni a ñivha, yo takulea. No vha ni tshi nga ntevhela huñwe na huñwe he nda ya hone, ndi na uyu mukope wa ñivhele nga fhasi ha gunwe ñanga; he nda vha ndi tshi ñi khukhula, ni a ñivha. Ndo vha ndi si na zwienda zwa u ambara. Ngauralo ro vha ri sa ambari zwienda na kathihi, nga tshiñwe tshifhinga hafu ya vhuriha. Arali ro ralo, ro...ho vha hu tshi tou vha zwe ra zwi doba, zwe muñwe a ri ñea. Na zwiambaro zwe muñwe, nga lufuno a ño ri ñea.

⁶⁴ Huno nda ima fhasi ha hoyu muri, huno ndo vha ndo dzula heneffo ndi tshi khou sokou ñavha mukosi (ho vha hu Khubvumedzi) ngauri ndo vha ndi tshi ñoda u yo rea khovhe, nda tea u kelela nkho dzi re na tshivhalo dza madi nga mabakhetha mañuku a muñasi, dzi vhulapfu vhune ha ñodou vha hovhu, hafu ya gañoni, ngauri ndo vha ndi tshi tou vha mutukana muñuku wa miñwaha ine ya ñoda u swika ya sumbe. Huno nda tea u dzi shululela kha nkho khulwane huno nda mbo humela murahu huno nda dzhia mañwe mabakhetha mavhili huno nda vhuya, ndi tshi u bommba. Ayo ndi madi e

ra vha ri nao. Huno vho vha vha tshi khou yo dudedza wisiki nnzhi ya mavhele vhusiku honoho, avha vhanna na Khotsi, vhe n̄ha afho n̄nuni.

⁶⁵ Huno ndo vha ndi tshi khou lila, huno kathihi fhedzi nda pfa tshiñwe tshithu tshi tshi khou ita phosho u fana na tshidumbumukwe, tshiñwe tshithu tshi no nga hetshi (zwino, ndi à fulufhela zwauri a tshi khou itesa phosho), tshi tshi ri “Whoooossssh, whoooossssh,” i tshi tou vha phosho yo raloho. Ndi zwone, ho vha ho tou ri duu lu shavhisaho, huno nda sedza thungo dzothe. Huno ni a ñivha uri mini, tshidumbumukwe tshiñku, ndi tenda zwauri ni zwi vhidza ñumbumadzikule mañuku? Musi ñwaha u tshi fhela a kumba tsimuni ya mavhele, ni a ñivha, mañari na zwiñwe-vho, afho hu luñavula, mañari o no ñi thoma u shanduka. Huno ndo vha ndi nga fhasi ha mupopoliri muhulwane mutshena, we wa vha u vhukatinyana ha ñulu na—na nnđu. Huno nda pfa iyo phosho. Huno nda sedza u mona hoñhe, ho vha ho tou duu u fana na lufherani holu. Ho vha hu si na na ñari li vhudzuleaho huñwe fhethu, kana tshiñwe tshithu. Huno nda elekanya, “Phosho iyo i bva ngafhi?” Ndi zwone, nda elekanya, “Hu fanela u vha hu kule na hafha.” Ndi tshi tou vha mutukana zwawe. Huno phosho ya engedzea na u engedzea.

⁶⁶ Nda doba mabakhethe anga mañuku huno nda ñavha mukosi lu re na tshivhalo huno nda dzhena ñđilani, ndo vha ndi tshi khou awela. Huno ndo no tshimbila ñayo dzi si gathi u bva afho, ndo no bva nga fhasi ha matavhi a uyu muri muhulu, nahone, yawee, mnenñe, ya ita mubvumo u no nga wa tshidumbumukwe. Huno nda rembuluwa uri ndi sedze, huno hune ha ñodou vha vhukatinyana u bva kha uyo muri ho vha hu na tshiñwe tshidumbumukwe, tsho fashwa kha uyo muri tshi tshi mona na u mona, tshi tshi vhudzula ayo mañari. Zwo ralo, nda elekanya uri a hu na tshi mangadzaho malugana na hezwo ngauri hu vha hu nga tshenetsho tshifhinga tsha ñwaha, na luñavula, mulandu, izwo zwidumbumukwe zwi a ña. Zwitiku...Ri zwi vhidza “zwidumbumukwe.” Huno zwi—huno zwi kumba buse. No no zwi vhona sogani nga ñđila heyo. Ndi zwenezwo zwithihi. Ngauralo nda sedza, fhedzi tsha sa ngalengale. Kanzhi—kanzhi i tou vha mbudzulo ya tshifhinganyana, tsha mbo ngalangala, fhedzi tsho vha tsho no vha ngomu henefho miniti mivhili kana yo engedzeaho.

⁶⁷ Zwo ralo, nda dovha nda dzhena ñđilani. Huno nda rembuluwa uri itshi ndi dovhe ndi tshi sedze. Huno musi Tsho ralo, Ipfi la muthu ñine la tou pfala vhunga ñanga, la ri, “Na kathihi u songo nwa, wa daha, kana wa shata muvhili wau tshika nga ñdila ifhio na ifhio. Hu do vha na mushumo une wa ño ita musi wo no aluwa.” Mulandu, lo ñodou ntshuisa lwa u ñisa lufuni! No vha ni tshi nga humbulela uri ñwana

mułuku o zwi pfisa hani. Nda posa ayo mabakhethe fhasi, huno nda ya hayani nga nungo dzanga dzothe, ndi tshi zhamba nga ipfi langa lothe.

⁶⁸ Huno ho vha hu na khophahede kha ilo shango, dziñowa, nahone dzi na vhutungu nga maanda. Mma vho elekanya, zwauri musi ndi tshi da nga thungo ya ngade khanwe ndi nga vha ndo kanda khophahede huno vha gidimela u ntanganedza. Huno nda fhufhela zwandani zwavho, ndi tshi khou zhamba, ndi tshi vha kuvhatedza na u vha khisa. Huno vha ri, "Thaidzo ndi mini, no luñwa nga ñowa?" Vha ntsedza hothe-hothe.

Nda ri, "Hai, Mma! Hu na munna kha uña muri hafhala fhasi."

⁶⁹ Huno vha ri, "Oo, Billy, Billy! Zwo ralo?" Huno vha ri, "No ima na ya na edela?"

⁷⁰ Nda ri, "Hai, vho-mme! Hu na munna kha uña muri, huno O mmbudza uri ndi songo nwa nahone ndi songo daha."

⁷¹ "U nwa dziwiski na—na zwithu." Huno ndo vha ndi tshi kelela mađi ndi tshi a isa mutshinini wa halwa vhu songo tendelwaho, tshifhingani itsho. Huno A ri, "Na kathihi u songo nwa kana wa shata muvhili wau tshika nga ndila ifhio na ifhio." Hezwo ndi vhuada, ni a ñivha, nahone ñwananga... vhunna vhuswa na vhasadzi. Nahone u ya nga he nda konesa, a thi athu vha na mulandu wa zwo raloho na kathihi nga tshiñwe tshifhinga. Murena o nthusa kha hezwo zwithu, nahone musi ndi tshi bvela phanda ni do zwi wanulusa. Ngauralo-ha, "U songo nwa kana wa daha, kana wa shata muvhili wau tshika, ngauri hu do vha na mushumo une wa do ita musi u tshi aluwa."

⁷² Zwo ralo, nda zwi vhudza Mma, huno—huno vha sokou ntsea. Huno ndo vha ndi tshi khou lila ndi sa koni u ñifara. Vha vhidza dokotela, huno dokotela a ri, "Zwo ralo, u khou tou vha na mazhuluzhulu, ndi zwenezwo fhedzi." Ngauralo vha mbo nnyeđedza vhulaloni. Huno na kathihi a thi athu, u bva duvhani ñenelila u swika kha lino, nda dovha nda fhira murini uña. Ndo vha ndi tshi ofha. Ndo vha ndi tshi ya kha luñwe lurumbu lwa ngade, ngauri ndo elekanya zwauri hu na munna nthia kha uña muri na zwauri O vha a tshi khou amba na nñe, Ipfì lìhulwane ñidenya le la amba.

⁷³ Huno zwenezwo nga murahu ha hezwo nga tshiñwe tshifhinga nga murahu ha tshikhathi tshe tsha ñodou ita ñwedzi, ndo vha ndi tshi khou tambisa mabulu nnđa na vharathu vhanga vhañku, nnđa dzharañani ya nga phanda. Huno kathihi fhedzi nda pfa ndi tshi ñelwa nga vhudipfi vhu mangadzaho. Huno nda ima nahone nda dzula nga thungo ha muri. Huno ro vha ri nthia ha philiphili i bvaho kha Mulambo wa Ohio. Huno nda sedza fhasi thungo ya Jeffersonville, huno nda vhona buroho li tshi thunyuluwa nahone la pfuka kha uyo, mulambo, li tshi tanganya mulambo. Huno nda vhona vhanna vha fumirathi (ndo vha

vhala) vho welaho henengeyo huno vha xeletwa nga vhutshilo havho kha ilo buroho. Ndo mbo gidima nga u ṭavhanya vhukuma huno nda vhudza mme anga, huno vha humbula uri ndo ya u edela. Fhedzi vho zwi vhulunga thalukanyoni, huno miñwahani ya fumbilimbili u bva tsheetsho Büroho ja Masipala zwino (line vhunzhi ha vho inwi na li pfuka musi ni tshi pfuka heneffo) lo pfuka mulambo heneffo fhethu huthihi, huno vhanna vha fumirathi vho xeletwa nga vhutshilo havho vha tshi khou fhaṭa ilo buroho li tshi pfuka mulambo.

⁷⁴ A i athu kundelwa u vha ya ngoho yo fhelelaho na kathihi. Vhunga ni tshi I vhona afha kha oditoriamu, Yo dzula yo tou ralo tshifhinga tshothe.

⁷⁵ Zwino, vho elekanya zwauri ndo vha ndi tshi tou vha na mazhuluzhulu. Lune, ndi muthu wa mazhuluzhulu, izwo ndi ngoho. Huno, arali ni tshi nga vhuya na dzhieila nzhele, vhathu vhane vha—vha tshingamela siani ja zwa myua vha dinwa nga mazhuluzhulu.

⁷⁶ Sedzani vharendi na vhaporofita. Huno sedzani William Cowper we a ñwala ulwo luimbo lu ñivheaho, “Hu na tshisima tsho ḳalaho Malofha, o bviswaho kha tsinga dza Imanuele.” No no vhuya... Ni a lu ñivha luimbo. A si kale ndo ya nda ima tsini ha tshalo tshawe. Mukomana Julius, ndi a tenda, a thi ñivhi, hai... ee, izwo ndi zwone, o vha e na riñe henengei tshaloni tshawe. Huno—huno heneffo, nga murahu ha musi o no ñwala ulwo luimbo, u hevhedzwa ha mu ṭutshela, a lingedza u wana mu—mulambo uri a kone u ñivhulaha. Ni a vhona, myua wo mu ṭutshela. Huno vhathu vha no nga vharendi na vhañwali na... kana hu si... ndi khou amba vhaporofita.

⁷⁷ Sedzani Eliya, musi o ima n̄ha ha thavha huno a tsitsa mulilo u tshi bva ṭadulu nahone a nisa mvula i tshi bva ṭadulu. Zwenezwo musi Muya wo mu ṭutshela, o shavha a tshi shushedzwa nga musadzi. Huno Mudzimu a mu wana o sunguvhela bakoni, ho no fhela mađuvha a mahumi maña.

⁷⁸ Sedzani Yona, e na u hevhedzwa ho edanaho musi Murena o no mu ḳolisa u rera ngei Ninive, u swika mu—muđi we wa vha u tshi lingana na Saint Louis u tshi rembuluwa wo ambara madzunganda. Huno zwenezwo musi Muya wo mu ṭutshela, ho bvelelani khae? Ri mu wana e n̄ha ha thavha nga murahu ha musi Muya wo mu ṭutshela, a tshi khou rabela Mudzimu uri a dzhie vhutshilo hawe. Huno, ni a vhona, ndi u hevhedzwa. Huno musi izwi zwithu zwi tshi bvelela, zwi—zwi ita tshiñwe tshithu kha inwi.

⁷⁹ Zwenezwo ndi elelwa musi ndi tshi khou aluwa. Ndo da nda vha muñhannga. (Ndi do ṭavhanya uri ndi kone u fhedza hu sa athu fhela tshifhinga tshiñku tshi tevhelaho.) Musi ndo no vha muñhannga ndo vha na mihibumbulo i fanaho na ya vhañwe vhañhannga vhothe. Ndi... tshi ya tshikoloni, ndo

do wana vhasidzana vhatuku. Ni a divha, ndo vha ndi na thoni nga maanda, ni a divha. Huno mafhedziseloni nda—nda diwanela khonani thukhu ya musidzana. Huno u tou fana na vhatukana vhatuku vhothe, vhane vha toda u vha vha miñwaha ya fumithanu, ndi a humbulela. Huno—huno ngauralo, oo, o vha o naka. Nñenñe, o vha e na maño a u fana na a liivha, nahone o vha e na mano a no nga perela, na mutsinga u no nga wa sekwa, huno o—o vha o naka vhukuma.

⁸⁰ Huno muñwe mutukana muñku, a...ro vha ri dzikhonani, ngauralo a dzhia model-T Ford ya khotsi awe ya kale, huno ra vhetshelana tshifhinga na vhasidzana vhashu. Huno ro vha ri tshi vha bvisa, ro namela. Ro vha ri na yo linganaho u renga galoni mbili dza piñirolo. Ro do tea u takulela nthä linga la murahu uri ri kone u i bvumisa. A thi divhi uri kana ni a vhuya na zwi elelwa izwo kana hai, ni a divha, u i bvumisa. Fhedzi ro—ro vha ri tshi bvela phanda zwavhuñi nga maanda.

⁸¹ Huno ngauralo ndo vha ndi na nikelé dzi si gathi tshikwamani tshanga, huno ra ima huñwe fhethu huñku ra wana...no vha ni tshi kona u wana sangwedzhi ya hemu nga nikelé. Huno ngauralo, oo, ndo vha ndo pfuma, ndo vha ndi tshi kona u renga vhuñga hadzo! Ni a vhona? Huno nga murahu ha musi ro no la dzisangwedzhi ra nwa khoukhu. Nda thoma u humisela mabodelo murahu. Huno nda mangala, musi ndi tshi bva, (vhasadzi vho no thoma u sa tshila zwavhuñi nga hetsho tshifhinga, kana vho bva kha vhusadzi) kuivha kwanga ku tshi khou daha sigarete.

⁸² Zwo ralo, tshifhinga tshothe ndo vha na muhumbulo wanga malugana na musadzi ane a do daha sigarete, huno a tho ngo u shandukisa na zwiñukutuku u bva tshifhingani tshenetshila. Izwo ndi zwone. Ndì tshithu tsha fhasisa tshine a nga tshi ita. Huno hezwo ndi zwone kokotolo. Huno ndo—ndo elekanya uri ndo...Zwino, khamphani ya sigarete i nga ntsala murahu nga nthani ha hezwi, fhedzi, ndi khou ni vhudza, hezwo zwi tou vha maano mavhi a Diabolo. Ndi muvhulai muhulusa na tshinyadzo ine holu lushaka lwa vha nayo. Ndi nga ñamba nda kondelela mutukana wanga a tshi vha tshidakwa madzuloni a u vha mudahi wa sigarete. Heyo ndi ngoho. Ndi nga ñamba nda vhona mufumakadzi wanga o edela fhasi, o kambiwa, vhudzuloni ha u mu vhona e na sigarete. Iyo ndi ndila ine...

⁸³ Zwino, hoyu Muya wa Mudzimu une wa vha na nñe, arali Uyo u Muya wa Mudzimu (vhunga ni tshi nga vhudzisa), vhoiñwi vhane na daha dzisigarete ni na tshikhala tshituku musi ni tshi swika hangei, ngauri hezwo zwi tou...tshifhinga tshothe. Ni a zwi vhona hafha kha pulatifomo, nga ndila ine A zwi hañula. Ndi tshithu tsho vhifhaho. Tutshelani kule hatsho. Vhafumakadzi, arali no vha na mulandu wa tshenetsho, ndi a

humbela, nga Dzina la Kristo, tutshelani kule hatsho! Tshi a ni vundekanya. Tshi do ni vhulaha. Tshi do... Ndi—ndi pfuko i dzindelaho nga maanda.

⁸⁴ Madokotela a lingedza u ni kaidza. Huno zwenezwo vha nga ni rengisela hani hezwo zwithu! Arali na ya vhengeleni la mishonga na ri, “Renga...ndi ḥoda u renga pfuko ine mutengo wayo wa vha futhanu wa sente.” Mulandu, vha do da vha vha valela. Fhedzi musi ni tshi renga sigarete dzi no dura futhanu wa sente, ni khou renga tshithu tshenetsho tshithihi. Madokotela a ralo. Oo, ulu lushaka lu pengiswaho nga tshelede. Zwo vhifha nga maanda. Ndi muvhulai. Zwo bviselwa khagala.

⁸⁵ Zwo ralo, musi ndi tshi vhona uła musidzana muṭuku o nakaho a tshi tou ḥongelela, sigarete heyi i tshandani tshawe, hezwo zwo ḥodou mbulaha, ngauri zwa vhukuma ndo elekanya zwauri ndi a mu funa. Huno nda elekanya, “Zwo ralo...”

⁸⁶ Zwino, ndi vhidzwa “muvhengi wa vhasadzi,” hezwo ni a zwi divha, ngauri ndi lwa na vhasadzi tshifhinga tshothe, fhedzi hu si vhoiwi Dzikhaladzi. Ndi lwa na vhudifari ha vhasadzi vha musalauno. Izwo ndi zwone. Vhasadzi vhavhudí vha tea u hwaliwa.

⁸⁷ Fhedzi ndi a kona u elelwa musi mutshini wa khotsi anga wa halwa u tshi kha ḫi shuma hangei, ndo vha ndi tshi tea u vha henengei nnda ndi na madi na zwithu, ndi tshi vhona vhafumakadzi vhaswa vhe vha vha sa fhirri miñwaha ya fumisumbe, fumimalo, vhe henengei na vhanna vha no lingana na nne zwino, vho kambiwa. Huno vho vha vha tshi tea uri vha vha ḥambuluse nahone vha vha nea gofhi ntswu, uri vha kone u ya hayani u bikela vhanna vhavho tshilalelo. Oo, tshithu tshi no nga tshenetsho, nda ri, “Ndi...” Heli lo vha le nda bula nga itsho tshifhinga, “A vho ngo tea u vhulawa nga gulu yavhuđi yo kunaho.” Izwo ndi zwone. Huno ndo vha ndi tshi vhenga vhasadzi. Izwo ndi zwone. Huno ndi tea u vha na vhusedzi kha tshiñwe na tshiñwe tshi no itea zwino, uri ndi songo ḥwa ndi tshi elekanya tshithu tshenetsho tshithihi.

⁸⁸ Ngauralo, fhedzi zwino, musadzi wavhudí ndi dzhewe kha koroni ya munna. U tea u tondwa. U... Mme anga ndi musadzi, na mufumakadzi wanga ndi ene, huno ndi vhavhudí. Huno ndi na Khaladzi dza Tshikriste dza zwigidigidi dzine nda dzi hulisa nga maanda. Fhedzi arali—arali vha tshi nga hulisa zwe Mudzimu a vha ita zwone, vhumme na khosikadzi vhukuma, hezwo zwo luga. U tshiñwe tsha zwithu zwa khwinesa zwe Mudzimu a vha a tshi nga nea munna, ho vha hu mufumakadzi. Nga nnda ha tshidzo, mufumakadzi ndi tshithu tsha khwinesa arali e mufumakadzi wavhudí. Fhedzi arali a si ene, Salomo o ri, “Musadzi wavhudí ndi dzhewe kha koroni ya munna, fhedzi a—a sa takadziho kana wa u sa luga ndi mađi malofhani

awe.” Huno hezwo ndi zwone, ndi tshithu tsho vhifhesaho tshine tshi nga bvelela. Ngauralo musadzi wavhuđi... Arali ni na mufumakadzi wavhudi, mukomana, ni tea u mu hulisa nga maandesa. Izwo ndi zwone, ni fanelu u ita hezwo. Musadzi vhukuma! Huno, vhana, arali ni na mme wa vhukuma ane a dzula hayani huno a tshi lingedza u ni londota, a tshi ita uri zwi ambaro zwanu zwi dzule two kuna, a tshi ni rumela tshikoloni, a tshi ni funza nga ha Yesu, no tea u tonda uyo mme o lugaho wa mualuwa nga zwothe zwi re ngomu hanu. Ni tea u hulisa uyo musadzi, ee, muñe wanga, ngauri ndi mme vhukuma.

⁸⁹ Vha amba nga ha u sa funzea thavhani dla Kentucky. Ni a hu vhona kha masila a ambarwaho khofheni ngomu hafha. Vhanwe vha vhommé avho vha vhaaluwa henengyelo nnđa vho kona u da ngeno Hollywood huno vha funza vho inwi vhommé vha musalauno uri vhana vhanu vha tea u aluswa hani. Ni tendele ñwana wawe u dzhena vhuñwe vhusiku mavhudzi awe o ñhamalala, na milomo... dzikhirimu, (ni zwi vhidza mini?) zwidolo zwine vha ñola zwifhañuwoni zwavho, na rokho yawé yo kokodzelwa thungo nthihi, huno o fhedza vhusiku hothe e nnđa, o kambiwa, mukomana, u ñ do dzhia liñwe la matavhi a re ñtha a uyo muhikori huno a si tsha dovha a bva na kathihi. Ndi khou ni vhudza, o vha... Huno arali no vha ni na zwinzhinyana zwa hezwo, no vha ni tshi ñ do vha na Hollywood ya khwine u mona hafha, na lushaka lwa khwine. Izwo ndi zwone. Ndi ngoho. “Itonu lingedza u vha wa musalauno,” helo—heló ndi liñwe la maano a Diabolo.

⁹⁰ Zwino, hoyu musidzana muñuku, musi ndi tshi mu sedza, mbilu yanga yo tou bva malofha. Huno nda elekanya, “Muthu muñuku a ñungufhadzaho.”

Huno a ri, “Oo, ni ñoda sigarete, Billy?”

Nda ri, “Hai, vho-mme.” Nda ri, “A thi dahi.”

⁹¹ A ri, “Zwino, no amba na ri a no ngo tshina.” Vho vha vha tshi ñoda u ya dantsini huno nñe ñdo vha ndi si nga zwi iti. Ngauralo vha ri ho vha hu na dantsi hangei fhasi, he vha u vhidza Sycamore Gardens.

Huno nda ri, “Hai, a thi tshini.”

⁹² A ri, “Zwino, a ni tshini, a ni dahi, a ni nwi. Ni ñitakadza hani?”

⁹³ Nda ri, “Ndi zwone, ndi takalela u rea khovhe nahone ndi takalela u zwima.” Hezwo a two ngo mu takadza.

Ngauralo a ri, “Dzhiani heyi sigarete.”

Huno nda ri, “Hai, vho-mme, ndi a ni livhuwa. A thi dahi.”

⁹⁴ Huno ñdo vha ñdo ima ñtha ha fendara. Vho vha vhe na bodo i gidimaho ñtha ha Ford dza kale, ni a elelwa, huno ñdo vha ñdo ima ñtha ha iyo fendara, ñdo dzula kha tshidzulo tsha

nga murahu, ene na nne. Huno a ri, "Ni amba zwauri ni nga si dahe sigarete?" Ha pfi, "Huno riñe vhasidzana ri na tshivhindi tshi fhiraho tshine na vha natsho."

Nda ri, "Hai, vho-mme, a thi tendi uri ndi ḥoda u zwi ita."

⁹⁵ A ri, "Mulandu, muhoṭa muhulu ndiwe!" Yawee, nñenñe! Ndo vha ndi tshi ḥoda u vha Bill muhulu muvhī, ngauralo ndi—ndi na ngoho ndo vha ndi sa ḥodi na tshithu tshi re muhoṭa. Ni a vhona, ndo vha ndi tshi ḥoda u vha mulwelapfufhō, hoyo wo vha u muhumbulo wanga wa vhutshilo. Ngauralo nda ri... "Muhoṭa! Muhoṭa!"

⁹⁶ A tho ngo kona u zwi kondelēla hezwo, ngauralo nda ri, "Mpheni yone!" Nda bvisa tshanda tshanga, nda ri, "Ndi do mu sumbedza uri ndi muhoṭa kana hai." Nda ntsha sigarete iyo huno nda thoma u funga mulilo. Zwino, ndi a zwi divha zwauri ni... Zwino, a thi na vhudifhinduleli ha zwine na elekanya, ndi tou vha na vhudifhinduleli ha u amba ngoho. Musi ndi tshi thoma u funga iyo sigarete, ndo diimisela u i daha u fana na u doba heyi Bivhili, ni a vhona, nda pfa tshiñwe tshi tshi ri, "Whoooossssh!" Nda lingedza hafhu, nda sa kone u i isa mulomoni wanga lini. Huno nda thoma u lila, nda posa tshithu hetsho phasi. Vha thoma u ntsea. Huno nda ya hayani, nda khauledza tsimuni, nda dzula phasi henengei nnđa, ndi tshi khou lila. Huno—huno ho vha hu vhutshilo vhu vhavhaho.

⁹⁷ Ndi elelwa liñwe ḫuvha Khotsi vha tshi tsela fhasi mulamboni na vhatukana. Nñe na murathu wanga, ra tea u dzhia gungwa huno ra gonya nahone ra tsa na mulambo, ri tshi khou zwima mabodelo ane ra do shela wisiki khao. Ro wana nikelē nga mabodelo ayo a fumimbili, u a doba nga thungo ha mulambo. Huno Khotsi vho vha vhe na nñe, huno vho vha vhe na tshiñwe tsha hezwo zwiñuku zwe welelaho... Ndi tenda uri o vha a tshi ḥodou lingana na mabodelo a hafu-phainthi. Huno ho vha hu na muri wo wiswaho nga maya, huno Khotsi... Huno hoyu munna o vha e navho, Vho-Dornbush. Ndo vha ndi na ḫawe... O vha e na gungwa ḫavhuđi, huno ndo vha ndi tshi ḥoda uri a ntakalele ngauri ndo vha ndi tshi ḥoda u shumissa ilo gungwa. Lo vha li na radara yavhuđi huno langa lo vha li si na radara na kathihi. Ro vha ri na bodo dza kale fhedzi dza u tala ngadzo. Huno arali o vha a tshi do ntendela u shumissa ilo gungwa... Ngauralo, o ita na u fhisedzela nahone a itela Khotsi mitshini ya halwa. Ngauralo a... Vha fhambanya milenzhe yavho ntha ha uyo muri, huno Khotsi vha dzhenisa tshanda tshikwamani tshavho tsha nga murahu huno vha kokodza bodelo liñuku lo welelaho la wisiki, vha mu ḫekedza lone huno a nwa, a li humisela murahu kha Khotsi huno vha nwa, huno vha li vhea phasi ntha ha davhi liñuku li re kha lurumbu lwa muri lwe lwa bvela nnđa. Huno Vho-Dornbush vha li doba, vha ri, "Farani hafha, Billy."

Nda ri, "Ndi a vha livhuwa, a thi nwi."

⁹⁸ Vha ri, “Mubranhamu, huno a ni nwi?” Muñwe na muñwe o fa o ambara mabutsu awe, zwa ḥodou ralo. Huno a ri, “Mubranhamu, huno ha nwi?”

Nda ri, “Hai, muñe wanga.”

“Hai,” Khotsi vha ri, “Ndo alusa muhoṭa muthihi.”

⁹⁹ Khotsi anga vha tshi mmbidza goswi! Nda ri, “Kha vha mphe heļo bodelo!” Huno nda kokodza itsho tshitibo nga n̄ha halo, ndo diimisela u li nwa, huno musi ndi tshi thoma u li imisela n̄ha, “Whoooossssh!” Nda vhuyedzedza bodelo murahu huno nda gidima nda fhira vhukati ha tsimu u ya nga he nda kona, ndi tshi khou lila. Tshiñwe tshithu a tsho ngo ntendela u zwi ita. Ni a vhona? Ndo vha ndi si nga ambi zwauri ndo luga (ndo vha ndo diimisela u zwi ita), fhedzi ndi Mudzimu, tshilidzi, tshilidzi tshi akhamadzaho tshe tsha nnzivhisa u ita hezwo zwithu. Ndo vha ndi tshi ḥoda u zwi ita, nne mune, fhedzi O tou sa ntendela u zwi ita.

¹⁰⁰ Nga murahu nda wana musidzana musi ndi tshi vho hovhelela miñwaha ya fumbilimbili, o vha e mufunwa. O vha e musidzana we a vha a tshi ya tshivhidzoni, German Lutheran. Dzina īawé lo vha li Brumbach, B-r-u-m-b-a-c-h, li bva kha dzina īa Brumbaugh. Huno o vha e ñwananyana wavhudži. O vha a sa dahi kana u nwa, kana—kana ho ngo tshina kana tshiñwe tshithu, musidzana wavhudži. Ndo tshimbila nae lwa tshifhinganyana, huno nda... Zwenezwo, ndi tshi vho hovhelela ya fumbilimbili, ndo ita tshelede yo eðanaho u swika ndi tshi direngela Ford ya kale, huno nda... ro vha ri tshi bva rothe nga zwifhinga zwe ra vhetshelana. Huno ngauralo, nga itsho tshifhinga, ho vha hu si na tshivhidzo tsha Luṭere tsini, vho vha vho no pfuluwa Howard Park vha ya ngei n̄ha.

¹⁰¹ Huno ngauralo vho vha...mushumeli, ene we a ta nme tshivhidzoni tsha Vhurumiwa ha Baphuthisi, Dokotela Roy Davis. Khaladzi Upshaw, vhenevho vhe vha rumela Mukomana Upshaw hangeno kha nne, kana vha amba nae nga ha nne, Dokotela Roy Davis. Huno ngauralo o vha a tshi khou rera, huno o vha e na tshivhidzo tsha U ranga tsha Baphuthisi, kana tshi—tshi... A thi tendi uri tsho vha tshi tshivhidzo tsha U ranga tsha Baphuthisi, tshiñwe tshazwo, tsho vha tshi Vhurum...tshi tshi vhidzwa tshivhidzo tsha Vhurumiwa ha Baphuthisi ngei Jeffersonville. Huno o vha a tshi khou rera fhethu henefho nga itsho tshifhinga, huno ro vha ri tshi ya tshivhidzoni vhusiku, ngauralo...huno ra tea u vhuya. Huno na kathihi a thi athu vha murado wa tshivhidzo, fhedzi ndo tou takalela u ya nae. Ngauri muhumbulo muhulwane wo vha u wa “u ya nae,” kha ndi tou vha a fulufhedzeaho.

¹⁰² Ngauralo-ha ndi tshi ḥuwa nae, huno linwe ḥuvha nda... O vha a tshi bva muñani wavhudži. Huno nda thoma u elekanya, “Ni a ḥivha, ni a ḥivha, a tho ngo tea u dzhia tshifhinga

tsha uyo musidzana. A si—a si zwone, ngauri ndi musidzana wavhudi, huno nne ndi mushai nahone—nahone ndi...” Khotsi anga vho vha vha si tshe na mutakalo, huno nda—nda... Ho vha hu si na ndila ye nda vha ndi tshi nga palela musidzana vhutshilo a no nga ene, we a vha o no ḫowela haya havhudī na mimethe fhasi.

¹⁰³ Ndi elelwa methe wa u thoma we nda vhuya nda u vhona, a tho ngo ḫivha uri wo vha u mini. Ndo tshimbila nga thungo. Nda elekanya uri wo vha u tshithu tsho nakesaho tshe nda vhuya nda tshi vhona vhutshiloni hanga. “Vho vha vha tshi ḫo adza hani tshithu tshi no nga tshenetsho fhasi?” Wo vha u methe wa u thoma we nda vhuya nda u vhona. Wo vha—wo vha u muñwe wa heyi...ndi a tenda i vhidzwa “mimethe ya hemmbe.” Ndi nga kha di vha ndo khakha. Yo vha i tshi nga “vhutavhi ho lukiwaho” kana tshiñwe tshithu tsho lukiwaho, nahone tsho adzwa fhasi. Vhudala na vhutswuku havhudī, na rosi lihulu ḫo lukelelwa vhukati hawo, ni a ḫivha. Tsho vha tshi tshithu tshavhudī.

¹⁰⁴ Huno ngauralo ndi elelwa thalukanyoni ndo—ndo dilugisela uri ndi nga kha di mu humbela uri a mmale, kana ndi fanela u ḫutshela kule huno nda tendela muñwe munna wavhudī a tshi mu mala, muñwe muthu we a vha a tshi ḫo vha wavhudī khae, we a vha a tshi ḫo mu palela vhutshiloni nahone a vha wa vhulenda khae. Ndo vha ndi tshi nga vha wa vhulenda khae, fhedzi ndo—ndo—ndo vha ndi tshi ita sente dza fumbili fhedzi nga awara. Ngauralo ndo vha ndi sa koni u mu palela vhutshiloni nga maandesa. Huno ndo... Na muña wothe we ra vha ro tea u u londota, na Khotsi vha si tshe na mutakalo wavhudī, huno nda tea u vha londota vhothe, ngauralo ndo vha ndi tshi khou kondelwa nga maanda.

¹⁰⁵ Ngauralo nda elekanya, “Zwo ralo, tshine nda tea u ita fhedzi ndi u mu vhudza zwauri ndi—ndi...ene...ndi—ndi nga si tou kona u vhuya, ngauri ndo humbulesa nga hae u tshinya vhutshilo hawe na u mu tendela a tshi tshinya tshifhinga tshawe na nne.” Huno zwenezwo nda elekanya, “Arali muñwe o vha a tshi nga mu wana nahone a mu mala, a ita haya havhudī. Huno khamusi naho ndo vha ndi si nga mu dzhii, ndo vha ndi tshi ḫo—ndo vha ndi tshi ḫo ḫivha zwauri o takala.”

¹⁰⁶ Huno ngauralo nda elekanya, “Fhedzi ndi—ndi tou—ndi nga si tou mu litsha!” Huno ndo—ndo vha ndi kha tshiimo tshivhi. Huno duvha na duvha ndo vha ndi tshi di elekanya nga hazwo. Ngauralo ndo vha ndi na ḫonni nga maanda u mu humbela uri a mmale. Vhusiku vhuñwe na vhuñwe thalukanyoni ndo vha ndi tshi ḫimisela, “Ndi khou yo mu humbela.” Huno, musi ndi, uh, ndi mini hezwo, zwisu, kana tshiñwe tshithu tshine na tshi wana ngomu ha yanu...? Vhoiñwi vharathu nothe ngeyo nn̄da ḫanwe no vha na tshenzhemo i fanaho na yeneyo. Na vhuñipfi vhu songo

doweleaho vhukuma, tshifhatuwo tshanga tsho vha tshi tshi swika hune tsha fhisa. A—a tho ngo divha. A tho ngo kona u mu humbelia.

¹⁰⁷ Ngauralo ndi a humbulela zwauri ni a mangala uri ndo mala hani. Ni a divha uri ndi mini? Ndo mu nwalela luñwalo huno nda mu humbelia. Huno ngauralo yawe... Zwino, yo vha i si “Mufumakadzana a funwaho,” yo vha i zwihiulanenyana (ni a divha) siani la lufuno u fhira hezwo. Yo vha i si pfa—pfano fhedzi, yo vha i... Ndo—ndo lu nwala, lwa khwinesa u ya nga he nda kona.

¹⁰⁸ Huno ndo vha ndi tshi ofhanyana mme awe. Mme awe vho vha...vho vha vhe na vhuhali. Huno, fhedzi khotsi awe vho vha vhe Mudatshi wa vhulenda o aluwaho, vha tshi tou vha muthu wavhuđi o aluwaho. Vho vha vhe mudzudzanyi wa dzangano la vhuthihi, vhanna vha tshidimelani, tshiporoni, vha tshi ita dolara dzi ḥodaho u swika mađana mađanu nga nwedzi zwifhingani hezwo. Huno nne ndo vha ndi tshi ita sente dza mahumi mavhili nga awara, u mala nwanananyana wavho. Uh! Ndo zwi divha zwauri hezwo a zwi nga do shuma na kathihi. Huno mme awe nga maanda vho vha vhe... Zwino, vha mufumakadzi wavhuđi. Huno vho—vho vha vhe muñwe wa idzi sosaihi dza n̄ha, ni a divha, nahone vha tshi difara zwavhuđi, ni a divha, huno ngauralo naho zwo ralo a vho ngo vha na mushumo na nne nga maanda. Ndo vha ndi tshi tou vha mutukana wa bulasi wa u nyadzisea nahone o aluwaho, huno vho elekanya zwauri Hope u tea u tshimbila na mutukana wa kilasi ya khwinenyan, huno ndi—ndi—ndi elekanya uri vho vha vhe kha ngoho. Huno ngauralo... Fhedzi a—a tho ngo zwi elekanya nga itsho tshifhinga.

¹⁰⁹ Ngauralo nda elekanya, “Zwo luga, zwino, a thi divhi uri hani. Ndi—ndi nga si humbele khotsi awe, nahone ndi—ndi na ngoho ya uri a thi khou yo humbelia mme awe. Huno ngauralo ndi tea u thoma nda humbelia ene.” Ngauralo nda nwala luñwalo lwanga. Huno nga matsheloni ayo ndi ndilani ya u ya mushumoni, nda lu posa bogisini la u posa mañwalo. Poswo... Ro vha ri tshi khou ya tshivhidzoni vhusiku ha Lavhuraru, huno ho vha hu nga Musumbuluwo nga matsheloni. Ndo lingdedza ḫuvha lothe la Swondaha u mu vhudza zwauri ndi khou ḥodou mala, huno nda tou vha ndi si na tshivhindi tsho eđanaho.

¹¹⁰ Ngauralo-ha nda lu posela bogisini la poswo. Huno musi ndi mushumoni nga ilo ḫuvha nda mbo elekanya, “Mini-ha arali mme awe vho wana ulwo luñwalo?” Yawee, nnenñe! Ndo mbo zwi divha uri ndo vhaaisala arali—arali vha tshi do vha vho lu wana, ngauri vho vha vha si na mushumo na nne nga maanda. Zwo luga, ndo vha ndi tshi khou tou zwi elekanya.

¹¹¹ Huno uvho vhusiku ha Lavhuraru musi ndi tshi da, yawee, nnenñe, nda elekanya, “Ndī do ya hani henengei? Arali mme awe vho wana ulwo luñwalo vhukuma vha do mpfarisa

shiashia, ngauralo ndi a fulufhela uri o lu wana.” Ndo lu ñwala uri lu ya kha “Hope.” Heļo ḥo vha li dzina lawe, Hope. Huno ngauralo nda ri, “Ndi ḥo tou lu ñwala nga nn̄da hafha uri lu ya kha Hope.” Huno ngauralo... Huno nda elekanya zwauri khamusi a nga kha di vha a songo lu wana.

¹¹² Ngauralo ndo ñivha zwa khwine u fhira u ima nn̄da nahone nda huthara uri a kone u bvela nn̄da. Yawee, nñenñe! Huno mutukana muñwe na muñwe aña a sa vhe na tshivhindi tsho eðanaho u tshimbila a ya nduni nahone a khokhonya kha vothi huno a humbela musidzana, ha na pfanelo dza u bva nae naho zwo ralo. Hezwo ndi zwone kokotolo. Hezwo ndi vhutsilu nga maanda. Hezwo zwo tshipa.

¹¹³ Huno ngauralo nda imisa Ford yanga ya kale, ni a ñivha, nahone ndo vha ndo ita uri i penye tshothe. Huno ngauralo nda gonya nahone nda khokhonya kha vothi. Khathutshelo, mme awe vha da vothini! Ndo vha ndi sa koni na u fema, nda ri, “Vha—vha—vha vuwa hani, Vho-Mme Brumbach?” Iina.

¹¹⁴ Vha ri, “Ni vuwa hani, William.”

Nda elekanya, “Uh-oh, ‘William’!”

Huno—huno vha ri, “Naa ni nga dzhena?”

¹¹⁵ Nda ri, “Ndi a vha livhuwa.” Nda dzhena muñangoni. Nda ri, “Hope u tsini na u fhedza u ñilugisa naa?”

¹¹⁶ Huno nga tshifhinga tshenetsho Hope a da a tshi khou tambo khadi nduni, musidzana zwawe we a vha e tsini na u fara ñwaha wa vñfumirathi. Huno a ri, “Hu rini, Billy!”

¹¹⁷ Huno nda ri, “Hu rini, Hope.” Huno nda ri, “Ni tsini na u fhedza u ñilugisela u ya tshivhidzoni?”

A ri, “Nga tshifhinganyana fhedzi.”

¹¹⁸ Nda elekanya, “Yawee, nñenñe! Ho ngo vhuya a lu wana. Ho ngo vhuya a lu wana. Zwavhuði, zwavhuði, zwavhuði. Hope na ene ho ngo lu wana, ngauralo zwi ño luga, ngauri o vha a tshi ño vha o mmbulela zwone.” Ngauralo nda pfa ndi wavhuðisa.

¹¹⁹ Huno zwenezwo musi ndo no tsela tshivhidzoni, nda sokou elekanya, “Mini-ha arali o lu wana?” Ni a vhona? Huno a tho ngo kona u pfa zwe Dokotela Davis a vha a tshi khou amba. Nda mu lavhelesa, huno nda elekanya, “Khamusi arali a tshi nga vha o tou ñifhumulela, huno ha vha hu uri vhukuma u khou ño mmbudža ndi tshi bva ngomu hafha, u mu humbela hanga zwenezwo.” Huno a tho ngo kona u pfa zwe Mukomana Davis a vha a tshi khou amba. Huno—huno nda mu lavhelesa, nahone nda elekanya, “Nñenñe, ndi a zwi vhenga u mu litsha, fhedzi... Huno nda—nda... ngoho makhaulatshele o tea u ña.”

¹²⁰ Ngauralo nga murahu ha tshivhidzo ra thoma u tshimbila roþe tshiþaraþani, ri tshi khou ya hayani, huno—huno ngauralo ra ya kha Ford ya kale. Huno ngauralo tshifhinga tshoþe ndi musi ñwedzi u tshi khou penya, ni a ñivha, nda lavhelesa huno

o vha o naka. Mutukana, nda mu sedza, nahone nda elekanya, “Nnenne, nga ndila ine nda ḥoda u mu dzhia, fhedzi ndi a humbulela zwauri ndi nga si kone.”

¹²¹ Huno ngauralo ndo mbo tshimbila nda ya phandanyana, ni a divha, huno nda dovha nda mu sedza. Nda ri, “Ni—ni di pfa hani madekwana a ɻamusi?”

A ri, “Oo, ndo luga tshothe.”

¹²² Huno ra imisa Ford ya kale fhasi nahone ra thoma u bva, ni a divha, nga thungo, ra mona na khuda ra ya nquni yawe. Huno ndo vha ndi tshi khou ya muqangoni nae. Nda elekanya, “Ni a divha, thañwe a nga vha a songo wana luñwalo na kathihi, ngauralo kha ndi tou zwi hangwa. Naho zwo ralo ndi do dovha nda vha na iñwe vhege ya tshilidzi.” Ngauralo ndo mbo pfa ndi tshi ɻipfa zwavhuñdisa.

A ri, “Billy?”

Nda ri, “Iina.”

A ri, “Ndo wana luñwalo lwañu.” Yawee, nñenñe!

Nda ri, “No ralo?”

¹²³ A ri, “Uh-huh.” Zwo ralo, a sokou bvela phanda na u tshimbila, a si tsha amba liñwe ipfi na kathihi.

¹²⁴ Nda elekanya, “Musadzi, mmbudze tshiñwe tshithu. Mpandeleni kana ni mmbudze zwine na elekanya nga hazwo.” Huno nda ri, “Naa no—naa no lu vhala?”

A ri, “Uh-huh.”

¹²⁵ Nnenñe, ni a zwi divha uri musadzi a nga ni sia muyani hani. Oo, a—a tho ngo zwi dzhia nga heyo ndila, ni a vhona. Ni a vhona? Fhedzi, naho zwo ralo, ni a divha, nda—nda elekanya, “Ndi ngani ni sa ambi tshiñwe tshithu?” Ni a vhona, huno nda bvela phanda na u tshimbila. Nda ri, “Naa no lu vhala lwothe?”

Huno a . . . [Hu na tshikhala kha theiphi—Mudz.] “Uh-huh.”

¹²⁶ Ngauralo ro vha ro no vha tsini ha muqango, huno nda elekanya, “Mutukana, ni songo ntswikisa vuranndani, ngauri khamusi ndi nga si kone u vha sia, ngauralo mmbudzeni zwino.” Huno ngauralo nda dzulela u lindela.

¹²⁷ Huno a ri, “Billy, ndi do funa u ita hezwo.” A ri, “Ndi a ni funa.” Mudzimu nga a fhañtshedze myua wawe zwino, u Vhugalani. O ri, “Ndi a ni funa.” Ha pfi, “Ndi elekanya uri ri tea u vhudza mubebi washu, vhabebi nga hazwo. Naa a ni elekanyi nga u ralo?”

¹²⁸ Huno nda ri, “Mufunwa, thetshellesani, kha ri thome hezwi nga u tendelana ho linganaho.” Nda ri, “Ndi do vhudza khotsi anu arali ni tshi do vhudza mme anu.” Ndi tupula tshipida tshi lemelaho siani lawe, tsha u tou thoma.

A ri, “Zwo luga, arali ni tshi do thoma na vhudza Khotsi.”

Nda ri, “Zwo luga, ndi ḍo vha vhudza vhusiku ha Swondaha.”

¹²⁹ Huno ngauralo vhusiku ha Swondaha ha swika, nda mu disa hayani ri tshi bva tshivhidzoni huno nda... A ya phanda na u ntsedza. Huno nda sedza, huno tshifhinga tsho vha tshi hafu u bva kha awara ya ṭahe, tsho vha tshi tshifhinga tshanga tsha u ṭuwa. Ngauralo Vho-Charlie vho vha vho dzula desikini yavho, vha tshi khou thaipha. Huno Vho-Mme Brumbach vho dzula khudani, vha tshi khou luka, ni a divha, kana idzo hupu ṭhukhu dzine na dzi vhea nga n̄tha ha zwithu, ni a divha. A thi divhi uri ni zwi vhidza mini. Huno ngauralo vho vha vha tshi khou ita mushumo wa lushaka lwonolwo. Huno Hope a ya phanda na u ntsedza, huno o vha a tshi ntsinyedza, ni a divha, a ntsumbedza khotsi awe. Huno nda... Yawee, n̄nenne! Nda elekanya, “Mini-ha arali vha ri, ‘Hai?’” Ngauralo nda mbo ya muñangoni, nda ri, “Zwo ralo, ndi humbulela uri ndi khwine ndi tshi ṭuwa.”

¹³⁰ Huno nda ya muñangoni, huno—huno a thoma u ya muñangoni na n̄ne. Tshifhinga tshothe o vha a tshi da muñangoni huno a amba la uri “ni edele zwavhudī.” Ngauralo nda ya muñangoni, huno a ri, “A ni khou yo vha vhudza?”

¹³¹ Huno nda ri, “Huh!” Nda ri, “Ndi na ngoho ya uri ndi khou lingedza u ita nga u ralo, fhedzi a—a—a thi divhi uri ndi ḍo zwi ita hani.”

¹³² Huno a ri, “Ndi ḍo tou humela murahu huno inwi ni vha vhidzele nn̄da.” Ngauralo a mbo humela murahu huno a ntsia ndo ima henefhalā.

Huno nda ri, “Vho-Charlie.”

Vho mbo rembuluwa huno vha mbo ri, “Iina, Bill?”

Nda ri, “Ndi nga amba navho lwa tshifhinganyana?”

¹³³ Vha ri, “Ngoho.” Vha rembuluwa vhe kha desiki yavho. Vho-Mme Brumbach vha vha sedza, vha lavhelesa Hope, huno vha ntsedza.

Huno nda ri, “Naa vha nga bvela nn̄da vha ḍela ngeno kha vuranndā?”

Huno vha ri, “Ee, ndi ḍo bvela nn̄da.” Ngauralo vho mbo bvela nn̄da vuranndāni.

Nda ri, “Ngoho ndi vhusiku havhudī, a ho ngo ralo naa?”

Huno vha ri, “Ee, ho ralo.”

Nda ri, “Ngoho ho vha hu tshi dudela.”

“Zwa vhukuma ho vha ho ralo,” vha ntsedza.

¹³⁴ Nda ri, “Ndo vha ndi tshi khou shuma nga maanda,” nda ri, “vha a divha, na zwanda zwanga zwi khou bva mapone.”

Vha ri, “Ni nga mu dzhia, Bill.” Yawee, n̄nenne! “Ni nga mu dzhia.”

¹³⁵ Nda elekanya, “Oo, izwo zwi khwine.” Nda ri, “Vhukuma vho khwathisa, Vho-Charlie?” Vha ri...nda ri, “Vho-Charlie, kha vha vhone, ndi a zwi ḋivha zwauri ndi nwananyana wavho, na zwauri vha na tshelede.”

¹³⁶ Huno vha hovhelela vha mpfara nga tshanda. Vha ri, “Bill, thetshellesani, tshelede a si zwithu zweṭhe vhutshiloni ha muthu.” Vha ri...

¹³⁷ Nda ri, “Vho-Charlie, ndi—ndi ita fhedzi sente dza mahumi mavhili nga awara, fhedzi ndi a mu funa huno na ene u a mpfuna. Huno ndi a vha fulufhedzisa, Vho-Charlie, zwauri ndi do shuma u swika aya...mapone a tshi ṭuwa zwandani zwanga, u mu palela vhutshiloni. Ndi do tou vha a fulufhedzeaho khae u ya nga hune nda kona.”

¹³⁸ Vha ri, “Ndi a zwi tenda hezwo, Bill.” Vha ri, “Thetshellesani, Bill, ndi ṭoda u ni vhudza.” Ha pfi, “Ni a ḋivha, dakalo, a zwi dzhii tshelede fhedzi u takala.” Ha pfi, “Itonu vha wavhuđi khae. Huno ndi a zwi ḋivha zwauri ni do ita nga u ralo.”

Nda ri, “Ndi a vha livhuwa, Vho-Charlie. Ndi na ngoho ndi do ita zwenezwo.”

¹³⁹ Zwenezwo tsha vha tshi tshifhinga tshawe tsha uri a vhudze Mme. A thi ḋivhi uri o zwi kona hani, fhedzi ro do malana.

¹⁴⁰ Ngauralo, musi ri tshi malana, ro vha ri si na tshithu, hu si na tshithu tsha u londota muṭa. Ndi elekanya uri ro vha ri na dolara mbili kana tharu. Ngauralo ra hira nn̄du, ya ri durela dolara n̄na nga n̄wedzi. Ho vha hu fhethu huṭuku, ha kale ha phera mbili. Huno muñwe a ri Ḇea vhulalo ha kale ha u petiwa. Ndi a mangala uri hu na o no vhonaho vhulalo ha kale ha u petiwa? Huno vho ri Ḇea honoho. Huno nda tsela ngei Sears na Roebucks huno nda wana ṭafula ḫukhu i re na zwidulo zwiña, huno yo—yo vha i songo penndiwa, ni a ḋivha, huno ro i wana nga tshifhinga tshavhuđi. Huno ngauralo nda mbo ya ha Vho-Weber, murengisi wa ḫhundu ya kale, huno nda renga tshiṭofu tsha u bika. Ndo tshi badelela sente dza fusumbethanu, na dolara na tshiñwe ndi tshi itela fureme dzine dza tea u dzhena ngomu hatsho. Ra ita ndugiselo ya u londota muṭa. Ndi elelwa ndi tshi dzhia nahone ndi tshi pennda shamurokho kha zwidulo, musi ndi tshi zwi pennda. Huno, oo, ro vha ro takala, naho zwo ralo. Ro vha ro wanana, ngauralo hetsho ndi tshone tshe tsha vha tshi tshi ṭodea. Huno Mudzimu, nga khathutshelo Yawe na u luga Hawe, ro vha ri tshivhili tshiṭuku tsho takalaho nga maandesa ḥifhasini.

¹⁴¹ Ndo wana hezwi, zwa uri dakalo a li bvi kha uri ni na zwithu zwa shango zwingafhani, fhedzi li ya ngauri ni fushea hani nga mukovhe we na Ḇewa wone.

¹⁴² Huno, nga murahu ha tshifhinganyana, Mudzimu a tsa huno a fhaṭutshedza haya hashu huṭuku, ra vha na mutukana muṭuku. Dzina ḥawe lo vha li Billy Paul, u tshumeloni zwa

zwino fhano. Huno nga murahu ha tshifhinganyana u bva tshifhingani itsho, miñwedzini ine ya ḥoda u vha ya fuminthihi, A dovha a ri fhaṭutshedza nga musidzana muṭuku a no pfi Sharon Rose, lo dzhiwaho kha ipfi “Rosi la Sarone.”

¹⁴³ Huno ndi elelwa liñwe duvha ndo vha ndo vhulunga tshelede yanga huno nda vha ndi tshi khou yo awelanyana, ndi tshi khou ya fhethu, hu no pfi Paw Paw Lake, u rea khovhe. Huno ndi ndilani ya u vhuya . . .

¹⁴⁴ Huno tshifhingani itsi . . . Ndi litsha thembuluwo yanga. Ndo vha ndo rembuluwa. Huno ndo vha ndo tiwa nga Dokotela Roy Davis, tshivhidzoni tsha Vhurumiwa ha Baphuthisi, huno ndo vha ndo no vha mushumeli nahone ndi na thaberenakele ine nda khou rera ndi khayo zwino Jeffersonville. Huno ndo vha ndi tshi lisa tshivhidzo tshiṭuku. Huno ndo . . .

¹⁴⁵ Hu si na tshelede, ndo lisa tshivhidzo miñwaha ya fumisumbe huno nda si wane na peni. Ndo vha ndi sa tendi ka u dzh- . . . Ho vha hu si na na ndilo ya mitendelo ngomu hatsho. Huno zwafumi zwe nda vha ndi nazwo zwi bvaho mushumoni, na zwiñwe-vho, ro vha ri na bogisi liñku murahu ha tshifhaṭo, lo ri, tshiga tshituku khaṭo, “U swika heneffo he na zwi itela muṭukutuku wa havha Vhangā vhatuku, no zwi itela Nne.” Huno zwenezwo ndi ndila ye tshivhidzo tsha badelelwa ngayo. Ro vha na khadzimo ya tshelede ya miñwaha ya fumi uri ri tshi badelele, huno ya lixwa miñwaha miyhili i sa athu fhela. Nahone a tho ngo vhuya nda dzhia mutendelo wa lushaka lufhio na lufhio.

¹⁴⁶ Huno zwenezwo ndo vha ndi na, oo, dzi si gathi dze nda dzi vhulunga ndi tshi itela u awela hanga. O vha a tshi shuma, na ene-vho, kha Fine’s Shirt Factory. Musidzana wavhuđi a funwaho. Huno tshalo tshawe tshi nga vha tsho welwa nga mahada ḥamusi, fhedzi u kha di vha mbiluni yanga. Huno ndi elelwa musi a tshi shuma nga maanda u mpfarisa u vha na tshelede yo eđanaho u ya ishani ili u rea khovhe.

¹⁴⁷ Huno musi ndi tshi vhuya ndi tshi bva ishani, nda thoma u vhona, ndi tshi dzhena Mishawaka na South Bend, Indiana, huno nda thoma u vhona mimodoro ye ya vha i na zwiga murahu, yo ri, “Yesu Fhedzi.” Huno nda elekanya, “Hezwo zwi pfala zwi songo dowelea, ‘Yesu Fhedzi.’” Huno nda thoma u vhona hezwo zwiga. Huno zwo vha zwi huñwe na huñwe u thoma nga dzibaisigira, dzi-Ford, dzi-Cadillac, na dziñe nnzhi, “Yesu Fhedzi.” Huno nda tevhela zwiñwe zwazwo phasi, huno zwa swika kha tshivhidzo tshihuluhulu. Huno nda zwi wana zwauri vho vha vhe vha Pentekoste.

¹⁴⁸ Ndo no pfa nga ha Pentekoste, fhedzi vho vha vhe tshigwada tsha “vhavhumbuluwi-vhakhethwa vhe vha lala phasi nahone vha bvisa mapulo milomoni yavho,” na zwothe zwe vha mmbudza nga hayo. Ngauralo a tho ngo ḥoda u vha na mushumo nayo.

¹⁴⁹ Ngauralo nda vha pfa vhothe vha tshi bvela phanda ngomu heneffo, huno nda elekanya, “Ndi tenda uri ndi do tou dzhena.” Ngauralo nda imisa Ford yanga ya kale nda dzhena, na u imba hothe he na vhuya na hu pfa vhutshiloni hanu! Huno ndi da u wanulusa zwauri ho vha hu na zwivhidzo zwivhili zwihulwane, tshiñwe tshazwo tshi tshi vhidzwa P.A. ya J.C., na P.A. ya W., vhunzhi ha vhoiñwi vhathu ni nga di elelwa ayo a kale madza-... Ndi elekanya uri ndi vhathihi, zwino vha vhidzwa, huno vha vhidzwa tshivhidzo tsha Pentekoste yo Vhofhekanaho. Zwo ralo, nda thetshelesa vhañwe vha vhadededzi vhavho. Huno vho vha vho ima heneffala, oo, vha tshi khou funza nga ha Yesu na nga ha uri O vha e muhulwane hani, na nga ha uri tshiñwe na tshiñwe tsho vha tshi tshihulwane hani, na nga ha “ndovhedzo ya Muya Mukhethwa.” Nda elekanya, “Vha khou amba nga ha mini?”

¹⁵⁰ Huno, nga murahu ha tshifhinganyana, muñwe a fhufha nahone a thoma u amba nga dzindimi. Ndi zwone, na kathihi a thi athu pfa tshithu tsha u ralo vhutshiloni hanga. Huno muñwe musadzi u da hafha a fhira heneffo a tshi gidima u ya nga he a kona. Zwenezwo vhothe vha takuwa nahone vha thoma u gidima. Huno nda elekanya, “Zwo ralo, mukomana, ngoho a vha na mikhwa ya tshivhidzo!” Vha tshi zhamba na u tavha mikosi nahone vha tshi bvela phanda, nda elekanya, “Ndi tshigwada-de itshi!” Fhedzi, ni a ñivha, tshiñwe tshithu nga hatsho, tshifhinga tshilapfunyana tshe nda dzula heneffo, ndo pfa ndi tshi tshi takalela vhukhwine. Ho vha na tshiñwe tshithu tshe tsha vhonala tshi tshavhuđi vhukuma. Huno nda thoma u vha sedza. Huno zwa di bvela phanda. Nda elekanya, “Ndi do vha kondelela lwa tshifhinganyana, ngauri ndi do... Ndi tsini ha munango. Arali tshiñwe tshithu tshi tshi thoma u bvelela nga u tavhanya, ndi do gidimela nda ha munango. Ndi a ñivha he modoro wanga wa pakwa hone, hu tou vha khuđani.”

¹⁵¹ Huno nda thoma u pfa vhañwe vha vhareri, vhe vha vha vhe zwikola na matshudeni. Mulandu, nda elekanya, “Hezwo ndi zwavhuđi.”

Ho mbo swika tshifhinga tsha tshilalelo, huno ha pfi, “Muñwe na muñwe kha a de tshilaleloni.”

¹⁵² Fhedzi nda elekanya, “Imani lwa tshifhinganyana. Ndi na dołara na sente dza fusumbeñhanu dza u ya hayani, huno nda...” Ndi zwone fhedzi zwe nda vha ndi nazwo zwa tshelede ya piñirolo. Ndo tou dzhia yeneyo uri i nnyise hayani. Huno ndo vha ndi na Ford yanga ya kale, yo vha i Ford ya kale yavhuđisa. Yo vha i songo tiba, yo vha i tshi fana na iyi i re hangeno nnda, yo taħala fhedzi. Huno yo... Zwavhuđivhuđi ndi tenda urī Ford yo vha i tshi do tshimbila maela dza furaru nga awara, fhedzi a hu na zwiñwe ho vha hu fumiñhanu u ya thungo *heyi* na fumiñhanu u ya thungo *heyi*. Ni a vhaba, no dzi

tanganyisa, ni na furaru. Huno ngauralo yo... Nda elekanya, “Zwo ralo, vhusiku uvho nda elekanya zwauri ndi do bva nahone nga murahu ha...” Nda lindela tshumelo ya vhusiku.

¹⁵³ Huno, oo, a ri, “Vhareri vhothe, hu sa londwi uri tshivhidzo tshifhio, idani pulatifomoni.” Zwo ralo, ho vha hu na vhañwe vhashu vhe vha vha tshi toda u swika madana mavhili henengei ntha, nne nda gonya. Huno ngauralo a ri, “Zwino, a ri na tshifhinga tshine ri nga ni nea nothe tsha u rera.” A ri, “Itonu fhira nahone ni ambe uri ni nnyi na uri ni bva ngafhi.”

¹⁵⁴ Zwo ralo, ha swika tshifhinga tshanga, nda ri, “William Branham, Baphuthisi. Jeffersonville, Indiana.” Nda fhira.

¹⁵⁵ Nda pfa vhañwe vhothe vha tshi divhidza, “Wa Pentekoste, wa Pentekoste, wa Pentekoste, P.A. ya W., P.A.J.C., P.A.W., P...”

¹⁵⁶ Nda fhira. Nda elekanya, “Zwo ralo, ndi humbulela zwauri ndi kusekwa kwo vhifhaho.” Ngauralo nda dzula fhasi, nda lindela.

¹⁵⁷ Huno, ilo duvha, vho vha vhe na vhareri vhavhudzi, vhaswa heneffo nnnda, huno vha rera nga maanda. Huno zwenezwo vha ri, “Ane a do disa mulaedza madekwana a namusi ndi...” Ndi a tenda vho mu vhidza, “Muhulwane.” Huno vhashumeli vhavho, madzuloni a “Mufunzi,” ho vha hu “Muhulwane.” Huno vha disa munna wa mukhañadi o aluwaho heneffo, huno o vha e na iñwe ya idzi badzhi dza fesheni ya kale dza mureri. A thi humbuleli zwauri ni nga vha no no vhona iñwe. Mutshila mulapfu wa liivha u nga murahu, ni a divha, i na kholoro ya velivete, huno o vha e na rimu thukhu zwayo tshena ya mavhudzi u mona na thoho yawe. Muthu o aluwaho a tungufhadzaho, u bvela nnnda nga *heyi* ndila, ni a divha. Huno a ima heneffo nahone a rembuluwa. Huno he vhareri vhothe vha vha vha tshi khou rera nga ha Yesu na vhuhulwane... nga ndila ye A vha e muhulwane, na zwiñwe-vho, uyo munna o aluwaho a dzhia liñwalwa lawe kha bugu ya Yobo. “Wo vha u ngafhi musi Ndi tshi adza mutheo wa shango, kana musi naledzi dza mutsho dzi tshi imba dzothe nahone Vharwa vha Mudzimu vha tshi tavha mukosi nga dakalo?”

¹⁵⁸ Huno muthu o aluwaho a tungufhadzaho, nda elekanya, “Mulandu ndi mini vha songo vhea vhañwe vha vhathu vhaswa afho ntha u rera?” Khulwane... fhethu afho ho vha ho dala nahone ho tsitsikana. Huno nda elekanya, “Mulandu ndi mini vha songo ita hezwo?”

¹⁵⁹ Ngauralo-ha hoyu muthu o aluwaho, madzuloni a u rera zwe zwa vha zwi tshi khou itea fhano fhasi kha lifhasi, a thoma u rera nga ha zwe zwa vha zwi tshi khou itea Tađulu tshifhinga tshothe. Zwo ralo, a Mu dzhia mathomoni ngei u rangani ha tshifhinga, huno A mu disa murahu kha U Da lwa Vhuvhili fhasi ha musingavhadzimu wo rambalalaho. Mulandu, a

thi athu pfa theroyorralaho vhutshiloni hangana kathihi! Tshifhingani tshenetsho Muya wa mu kwama, a fhufhela nt̄ha lu no tqodou swika *hafha* nahone a rwekanya zwirethe zwawe fhethu huthihi, a posela mahada awe murahu huno a tuwa pulatifomoni a tshi khou tshimbila nga zwikunwane, a ri, "A ni na lufhera lwo edanaho afha nt̄ha uri ndi rere." Huno o vha e na lufhera lu fhiraho lune nda vha nalwo hafha.

¹⁶⁰ Nda elekanya, "Arali Uyo u tshi do ita uri mukalaha a ite ngaurala, wo vha U tshi do ita mini arali Wo da kha nne?" Nda—nda elekanya, "Khamusi ndi tqoda mukovhe wo engedzeaho wa Hoyo." Mulandu, a tshi bvela ngeno nn̄da, nda mu pfela vhuungu nga maanda hoyo muthu o aluwaho. Fhedzi, musi o no tuwa, ndo vha ndi tshi dipfela vhuungu. Huno nda mu sedza a tshi tuwa heneffho.

¹⁶¹ Nda bva vhusiku honoho, huno nda elekanya, "Zwino, nga matsheloni a tevhelaho a thi khou yo tendela muthu u divha uri ndi ngafhi, uri ndi nne nnyi." Ngauralo nda tuwa, huno vhusiku honoho nda phuresa marukhu anga. Nda dzhia... nda bvela nn̄da nda dzhena tsimuni ya mavhele u edela, huno nda tsela fhasi nahone nda direngela rolo dzo no vhaho dza kale. Inwi... Ndo renga dzi tshi divhalea nga nikel. Ho vha hu na tshibommbi heneffho, nda wana madi. Ngauralo nda zwi divha uri hedzo dzi do mpfarelela tshifhinganyana, ngauralo nda diwanela madi huno nda a nwa, huno nda tuwa nda la rolo dzanga. Huno nda vhuya nda dovha nda nwā madi. Nda bva nda dzhena tsimuni ya mavhele, nda dzhia zwidzulo zwivhili huno nda adza marukhu anga mañku a mudali ngomu heneffho, nda a phuresa nt̄ha ha tshidzulo.

¹⁶² Huno, vhusiku honoho, nda rabela la tqodou tsha. Nda ri, "Murena, ndi tshini itsi tshe nda dzhena khatsho? A thi athu vhona vhatu vha vhurereli vho ralaho vhutshiloni hangana kathihi." Huno nda ri, "Mpfarise u divha uri naa itsi tshi malugana na mini."

¹⁶³ Huno nga matsheloni a tevhelaho nda tsela heneffho. Ra rambiwa kha vhuragane. A hu na zwiñwe, ndo vha ndi si nga di u la navho, ngauri ndo vha ndi si na tshe nda vha ndi tshi do posela munikeloni. Huno ndo tou humela murahu. Huno nga matsheloni a tevhelaho ndi tshi dzhena, mulandu (nda la dziñe rolo dzanga), huno nda dzula fhasi. Huno vho vha vhe na khudzaipfi. Huno ndo vha ndi sa athu vhona khudzaipfi na kathihi, nahone itsi tsithiu ndo vha ndi tshi tshi ofha. Ngauralo vha... Huno yo vha i na ludzinyana lu nembelelaho hafha nt̄ha, nahone lwo tsela fhasi. Iñwe ya khudzaipfi dzenedzo dzi nembelelaho, nga u ralo. Huno a ri, "Vhusiku ho fhiraho, kha pulatifomo, ho vha hu na mureri muswa hafha, wa Mubaphuthisi."

Nda elekanya, "Uh-oh, ndo tea u shumelwa zwino."

¹⁶⁴ Huno a ri, “O vha e mureri muṭuku kha vhoṭhe kha pulatifomo. Dzina ḥawe lo vha li Branham. Hu na a no ḫivha uri u wanala ngafhi? Mu vhudzeni a de, ri khou ṭoda a tshi disa mulaedza wa nga matsheloni.”

¹⁶⁵ Yawee, nñenñe! Ndo vha ndo ambara T-shete ḫukhu, na marukhu a muḍali, ni a ḫivha. Huno riñe Vhabaphuthisi ri tenda zwauri ni tea u ambara suti, u dzhenia phuluphithini, ni a ḫivha. Ngauralo... Huno nda—nda sokou dzula ndi sa tsukunyei. Huno tshifhingani... Vho vha vho i farela Devhula tshifhingani itsho ngauri (khuvhangano yavho ya liphasi) makhaladi vho vha vha si nga koni u da khayo arali yo vha i Tshipembe. Vho vha vhe na makhaladi heneffo, huno nne ndo vha ndi wa Tshipembe, ndi tshi kha di vha na tshitatshi kha kholoro yanga, ni a vhona, nda elekanya uri ndi khwinenyana kha muñwe muthu-vho. Huno zwa itea uri nga matsheloni ayo, o dzulaho fhasi tsini hanga a vhe e mu—munna wa mukhaladi. Ngauralo nda dzula nahone nda mu sedza. Nda elekanya, “Ho luga, ndi murathu.”

¹⁶⁶ Huno a ri, “Hu na ane a ḫivha uri William Branham u wanalaфhi?” Nda hanelela fhasi tshidzuloni nga ndila *heyi*. Ngauralo a ri, a ita ndivhadzo yazwo lwa vhuvhili, a ri, “Hu na muthu nda” (a kokodzela iyi khudzaipfi ḫukhu ngomu) “ane a ḫivha hune William Branham a wanala hone? Mu vhudzeni urí ri khou mu ṭoda kha pulatifomo malugana na mulaedza wa nga matsheloni. Ndi mureri wa Mubaphuthisi a bvaho tshipembe ha Indiana.”

¹⁶⁷ Nda sokou dzula fhedzi ndi sa tsukunyei nahone nda vhandalala fhasi, ni a ḫivha. A hu na we a vha a tshi nn̄divha, naho zwo ralo. Uyo mutukana wa mukhaladi a nndavhelesa, a ri, “Ni a ḫivha hune a vha hone?”

¹⁶⁸ Nda elekanya. Nda—nda tea u zwifha kana u ita tshiñwe tshithu. Ngauralo nda ri, “Farani hafha fhasi.”

A ri, “Ee, muñe wanga?”

Nda ri, “Ndi ṭoda u ni vhudza tshiñwe tshithu.” Nda ri, “Ndi—ndi ene.”

A ri, “Ho luga, gonyani hangei.”

¹⁶⁹ Huno nda ri, “Hai, ndi nga si kone. Ni a vhona,” nda ri, “Ndo ambara haya marukhu maṭuku a kale a muḍali na iyi T-shete ḫukhu.” Nda ri, “A tho ngo kona u gonya hangei.”

¹⁷⁰ A ri, “Avha vhathu a vha londi uri ni ambara hani. Gonyani hangei.”

Nda ri, “Hai, hai.” Nda ri, “Fhumulani, ni songo amba tshithu zwino.”

¹⁷¹ Huno vha mbo vhuyelela kha luṭingo lwa tshifhinganyana, vha ri, “Hu na a no ḫivha hune William Branham a wanala hone?”

¹⁷² A ri, “Khoyu hafha! Khoyu hafha! Khoyu hafha!” Yawee, nn̄en̄ne! Nda takuwa henehfo ndo ambara iyo T-shete ḫukhu, ni a divha. Huno hafha ndi . . .

¹⁷³ A ri, “Kha vha de ngeno nthā, Vho-Branham, ri ṭoda uri vha dise mulaedza.” Yawee, nn̄en̄ne, phanda ha vhareri vhothe, uhm, vhathu avho vhothe! Huno nda ya ndi tshi ditsireledza, ni a divha. Tshifhatuwoni tshanga ho tswuka, na n̄devhe dzanga dzi tshi khou fhisa. Huno nda ditsireledza, marukhu a mudali na T-shete, mureri, mureri wa Mubaphuthisi a tshi khou ya kha khudzaipfi, na kathihi a sa athu vhona na nthihi zwayo, ni a vhona.

¹⁷⁴ Huno nda ima henengei, nda ri, “Zwo ralo, a—a—a thi divhi nga ha hetshi.” Ndo vha ndi tshi dada, ndi na mazhuluzhulu vhukuma, ni a divha. Huno—huno nda swika hangeno kha Luka 16, nahone nda elekanya, “Ho luga, zwino . . .” Huno nda—nda thoma thoho, “Huno a imisa maṭo awe e vhudzulavhafu, huno a lila.” Huno nda wana . . . Ngauralo nda—nda thoma u rera, ni a divha, huno nda rera nahone nda pfa vhukhwinenyana. Huno nda ri, “Mupfumi o vha e vhudzulavhafu, huno a lila.” Ayo maipfi mararu matuku, u fana na musi ndi na theronnnzhi nga u ralo, “Ni A Tenda Izwi,” na “Ambani Na Tombo,” no no mpfa ndi tshi dzi rera. Huno ndo vha ndi na, “Huno zwenezwo a lila.” Huno nda ri, “A hu na vhana hangei, vhukuma hu si vhudzulavhafu. Zwenezwo a lila.” Nda ri, “A hu na maluvha hangei. Zwenezwo a lila. A hu na Mudzimu hangei. Zwenezwo a lila. A hu na Kristo hangei. Zwenezwo a lila.” Zwenezwo nda lila. Tshiñwe tshithu tsha mpfara. Nnen̄ne! Yawee, nn̄en̄ne! Nga murahu, a thi divhi tsho iteaho. Musi ndi tshi dzivhuluwa, ndo vha ndo ima nn̄nda. Vhathu vhone vha zhamba nahone vha ṭavha mikosi vha tshi khou lila, na n̄ne, ra vha na tshifhinga tshi ofhisaho.

¹⁷⁵ Musi ndi tshi bvela nn̄da ho vha na muthu we a da kha n̄ne o ambara muñadzi muhuluhulu wa Texas, mabutsu mahulwane, a da, a ri, “Ndi Muhulwane *Mukeneñene*.” Mureri, mabutsu a makhauboyi, o ambara zwiambaro zwa makhawaboyi.

Nda elekanya, “Zwo ralo, marukhu anga a muḍali a si mavhi nga maanda lini.”

¹⁷⁶ Ha pfi, “Ndi khou ṭoda ni tshi da Texas na mpfarela mvuseledzo.”

¹⁷⁷ “Uh-huh, edzonu ri ndi zwi ñwale fhasi, muhulisei.” Huno ndo mbo zwi ñwala fhasi nga u ralo.

¹⁷⁸ Muñwe muthu u da hafha o ambara haya marukhu matuku, a lushaka lwa golofu, he vha vha vha tshi anzela u tamba golofu, ni a divha, vho ambara marukhu matuku a bulausu. A ri, “Ndi Muhulwane *Mukeneñene* a bvaho Miami. Ndi takalela u . . .”

¹⁷⁹ “N̄nen̄ne, khamusi kuambarele a ku tou vha na ndeme nga maanda.” Nda ku sedza, huno nda elekanya, “Zwo luga.”

¹⁸⁰ Ngauralo nda dzhia hezwi zwithu, huno nda ya hayani. Mufumakadzi a ntanganedza, a ri, “Ndi ngani ni tshi pfala no takala nga maanda, Billy?”

¹⁸¹ Nda ri, “Oo, ndo ḥangana na vhathu vhavhudisa. Nnenne, ndi vha khwinesa u fhira vhe na vhuya na vha vhona. Havho vhathu a vha shoneli vhurereli havho.” Huno, oo, nda mu vhudza zweṭhe nga hazwo. Huno nda ri, “Huno vhonani hafha, mufunwa, mudubekano woṭhe wa dzithambo. Havho vhathu!”

A ri, “A si vhavhumbuluvi vhakhethwa, ndi vhone?”

¹⁸² Nda ri, “A thi divhi uri vha lushaka-de lwa vhavhumbuluvi, fhedzi vha na tshinwe tshithu tshe nda tshi lila.” Ni a vhona? Nda ri, “Itsho—itsho ndi tshithihi tshine nda vha na ngoho natsho.” Nda ri, “Ndo vhona mukalaha, a re na miñwaha ya fuṭahe, a tshi dovha a vha muswa.” Nda ri, “A thi athu pfa u rera ho ralohu vhutshiloni hanga na kathihi. Mulandu, na kathihi a thi athu vhona Mubaphuthisi a tshi rera nga u ralo.” Nda ri, “Vha rera u swika vha tshi fhelelwa nga maya, nahone vha khotha magona avho fhasi thwii, vha takuwa, vha dzhia maya wavho. Ni nga kona u vha pfa vha vhukule ha buloko mbili, vha tshi kha ḫi rera.” Huno nda ri, “A—a thi athu pfa zwa u ralo vhutshiloni hanga na kathihi.” Huno nda ri, “Vha amba nga luambo lusili, huno muñwe u bula zwine vha khou amba nga hazwo. A thi athu pfa zwa u ralo vhutshiloni hanga na kathihi!” Nda ri, “Ni ḫo ṭuwa na nñe?”

¹⁸³ A ri, “Mufunwa, musi ndo ni mala, ndi do vha na inwi u swika lufu lu tshi ri khaukanya.” A ri, “Ndi ḫo ya.” A ri, “Zwino, ri ḫo vhudza vhañwe nga riñe.”

¹⁸⁴ Huno nda ri, “Ho luga, ni vhudze mme aṇu huno nñe ndi ḫo vhudza mme anga.” Ngauralo ra...nda ya nda vhudza Mma.

¹⁸⁵ Mma vha ri, “Zwo ralo, ndi ngoho, Billy. Tshinwe na tshinwe tshe Murena a ni vhidzela u tshi ita, ni ye ni tshi ite.”

¹⁸⁶ Huno ngauralo Vho-Mme Brumbach vha nkhumbeluuri ndi de. Nda ya. Vha ri, “Ndi tshini itsi tshine na khou amba nga hatsho?”

¹⁸⁷ Huno nda ri, “Oo, Vho-Mme Brumbach,” nda ri, “noṭhe a ni athu vhona vhathu vho ralohu na kathihi.”

Vha ri, “Dzikani! Dzikani!”

Nda ri, “Ee, vho-mme.” Nda ri, “Ndo khakha.”

Huno vha ri, “Ni a zwi ḫivha uri ndi tshigwada tsha vhavhumbuluvi vhakhethwa?”

¹⁸⁸ Nda ri, “Hai, vho-mme, a tho ngo zwi ḫivha hezwo.” Nda ri, “Vhone—vhone nga ngoho ndi vhathu vhavhudī.”

¹⁸⁹ Vha ri, “Muhumbulo wonoyu! Ni elekanya uri ni ḫo kokodzela ḫwananyana wanga nn̄da vhukati ha zwithu zweṭhe

ralaho!" Ha pfi, "Zwi a seisa! Hezwo a si tshithu nga nn̄da ha tshika ye zwiñwe zwivhidzo zwa posela nn̄da." Vha ri, "Ngoho! Ni nga si bvise ñwananyana wanga na mu isa nn̄da nga u ralo."

¹⁹⁰ Huno nda ri, "Fhedzi, vha a ñivha, Vho-Mme Brumbach, mbiluni yanga ndi pfa zwauri Murena u ḥoda ndi tshi tshimbila na havho vhathu."

¹⁹¹ Vha ri, "Humelani murahu tshivhidzoni tshañu u swika vha tshi kona u ni wanela nn̄du ya vhufunzi, huno ni difare sa munna a re na ḥalukanyo." Vha ri, "A ni khou dzhia ñwananyana wanga na mu isa vhukati heneffho."

Nda ri, "Ee, vho-mme." Nda rembuluwa nda bvela nn̄da.

¹⁹² Huno Hope a thoma u lila. A bvela nn̄da, a ri, "Billy, hu sa londwi uri Mma vha ri mini, ndi ḫo dzula na inwi." Fhañtshedzani mbilu yawe!

Huno nda ri, "Oo, hezwo zweþhe zwo luga, mufunwa."

¹⁹³ Huno nda sokou zwi litsha zwo ralo. Vho vha si nga tendeli ñwananyana wavho a tshi ṭuwa na vhathu vho ralaho ngauri "Ho vha hu si tshithu nga nn̄da ha tshika." Huno nga u ralo nda sokou zwi litsha zwo ralo. Yo vha i khakho yo vhifahao ye nda vhuya nda ita vhutshiloni hanga, inwe ya dzo vhifahao.

¹⁹⁴ Nga murahu ha tshifhinganyana, miñwaha i si gathi nga murahu ha hezwo, vhana vha da. Huno liñwe ñuvha ro vha ri... Ho mbo da mudalo, nga 1937. Ho mbo da mudalo. Huno yashu... Ndo vha ndi tshi khou linda nga itsho tshifhinga nahone ndi tshi khou lingedza u ya nga he nda kona u bvisa vhathu kha mudalo, nn̄du dzi tshi khou wa. Huno mufumakadzi wanga a thoma u lwala, huno a lwala vhukumakuma, e na nyumonia. Huno vha mu bvisela nn̄da... Sibadela tsho ñoweleaho tsho vha tsho dala lwe ra sa kone u mu dzhenisa ngomu heneffho, ngauralo ra mu bvisa ra mu isa kha mu—muvhuso he vha vhe na lufhera heneffho nn̄da. Huno ngauralo vha mmbidza vha nkhumisa. Huno ndo vha ndi tshi ñi dzula mulamboni tshifhinga tshoþhe, nahone ndi mutshimbidzagungwa wa vhukuma, ngauralo ndo vha ndi tshi lingedza u wana vhathu, u vha lamulela kha mudalo. Huno zwenezwo ndo ḫo... muñwe...

¹⁹⁵ Vha mmbidza, vha ri, "Hu na nn̄du kha Tshitaraña tsha Chestnut, i tsini na u wela. Hu na mme na tshigwada tsha vhana ngomu heneffho," vha ri, "arali ni tshi elekanya uri gungwa ḥanu, modoro wañu u nga dzhena wa ya khavho." Nda ri, "Ho luga, ndi ḫo ita zweþhe zwine nda kona."

¹⁹⁶ Huno nñe, ndi tshi rwa ayo magabelo. Luvhondo lwo vha lwo no kwáshea heneffho n̄tha, huno, yawee, nñenñe, a... tshi sokou kumba mudi. Huno ndo vha ndi tshi u ñea mapfura oþhe e nda kona, huno mafhedziselonu nda tsela fhasi u budekanya dziphara na kha mañwe masia. Huno nda ya henengei tsini na he mavu a vha o takulelwa n̄tha kale, madi a tshi khou

shuluwa. Huno nda pfa muñwe a tshi zhamba, huno nda vhona mme o ima nnda kha vurann̄a. Huno ho vha hu na magabelo mahulu e a vha a tshi khou fhira nga u ralo. Zwo ralo, nda mbo gonya thungo *heyi* tshikhala tshe nda kona, huno nda kudana na mulambwana nahone nda vhuya nda ya kha luñwe lurumbu. Ndo vha ndo no imisa gungwa langa nga tshifhinga tsho teaho uri ndi li hungelele kha phuphu, ya thanda, ya thanda ya muñango kana thanda ya vurann̄a. Huno nda gidimela ngomu nda dzhia mme nahone nda mu dzenisa heneffo nga ngomu, na vhana vhavhili kana vhararu. Huno nda hungulula gungwa langa nda li isa kha... murahu. La bva li tshi bva fhasi-fhasi, huno nda li isa ngei kha philiphili, tshikhala tshire tsha todou swika maela na hafu u buđekanya mudi, u swika ndi tshi li swikisa kha philiphili. Huno zwenezwo ndo do ri ndo no swika henengyeo, a vha o no dzidzivhala. Huno o vha o no thoma...o vha a tshi khou zhamba, “Lushie lwanga! Lushie lwanga!”

¹⁹⁷ Zwo ralo, nda elekanya uri u khou amba zwauri o sia lushie ngomu nđuni. Yawee, nnenñe! Nda vhuyelela hafhu murahu musi vha tshi kha di lingedža u mu thusa. Huno, nda da nda todisia, ho vha hu...kana o vha a tshi khou toda u divha he ñwana wawe a vha e hone heneffo. Ho vha hū na mutukana mutuku we a vha a tshi todou fara miñwaha miraru, huno nda elekanya zwauri o vha a tshi khou amba lushie luñku lu mamaho kana tshiñwe tshithu.

¹⁹⁸ Huno ngauralo nda humela murahu nahone nda swika heneffala. Huno musi ndo no wana iļo gungwa nahone ndo no dzhena nga ngomu nda sa wane lushie, na vurann̄a i tshi landula na nndu yo wela ngomu. Huno nda gidima nga u t̄avhanya vhukuma nahone nda dzhia tshi—tshipida heneffo tshe tsha vha tshi tshi khou papamalisa gungwa langa, nda dzhena gungwani, huno nda li kokodza nahone nda li hungulula.

¹⁹⁹ Huno lo vha lo no nnzhenisa lutsingani lwa mulambo muhulwane. Huno yo vha i tshi khou toda u rwa hafu u bva kha awara ya fuminthihi vhusiku, huno ho vha hu tshi sokou na mvula ya murotholo na mahada a tshi wa. Huno nda dzhia ludzi lwa u bbumisa nahone nda lingedza u kokodza gungwa, huno la si bvume, huno nda lingedza huno la si tende u bvuma, nahone nda dovha nda lingedza. Ndi tshi khou dzhena vhukatikati ha ulwo lutsinga, maguvhukuvhu e phasinyana hanga. Huno ndo vha ndi tshi khou lingedza na maanda, nahone nda elekanya, “Yawee, nnenñe, hafha—hafha ndi vhufhelo hanga! Hovhu ndi hone!” Huno ndo do lingedza nga maanda. Huno nda ri, “Murena, ndi humbela uri u songo ntendela ndi tshi fa lufu two raliho,” huno nda kokodza nahone nda kokodza.

²⁰⁰ Huno zwa vhuya kha nñe, “Mini-ha malugana na itshe tshigwada tsha tshika tshe na si fune u ya khatsho?” Ni a vhona? Uh-huh.

²⁰¹ Nda vhuyedzedza tshanda tshanga kha gungwa, huno nda ri, "Mudzimu, nkhathutshele. U songo ntendela ndi tshi tutshela mufumakadzi wanga na lushie nga ndila heyi, na vhone heneffo nn̄da vha tshi lwala! Ndi khou humbel!" Huno nda ya phanda na u kokodza nga u ralo, huno la si bvume. Huno ndo vha ndi tshi kona u pfa u vhomba henengei fhasi, ngauri ndo... Miniti i si gathi fhedzi, huno, yawee, nn̄nenne, zwi do vha zwo luga. Huno nda ri, "Murena, arali U tshi do nkhangwela, ndi a U fulufhedzisa uri ndi do ita tshiñwe na tshiñwe." Nda gwadama heneffo gungwani, na mvula ya murotholo i tshi khou nthwa tshifhatuwoni. Nda ri, "Ndi do ita tshiñwe na tshiñwe tshire Wa ḥoda ndi tshi tshi ita." Huno nda dovha nda kokodza, huno la bvuma. Huno nda vulela xasi yothe khalo u ya nga he nda kona, huno mafhedziselonu nda swika philiphilini.

²⁰² Huno nda humela murahu u wana lori, lori la u linda. Huno nda elekanya nga ha... Ho vha na vhañwe vhe vha ri, "Ambani zwauri, muvhuso wo sokou kumbuludza." Mufumakadzi wanga na lushie vhe ngomu heneffo, vhushie vhuvhili.

²⁰³ Huno nda ya muvhusoni nga u ḥavhanya u ya nga he nda kona, huno mađi o vha o ima vhudzivha he ha ḥoda u lingana fiti dza fumiñhanu khawo wothe. Huno ho vha hu na madzhoro heneffo, huno nda ri, "Madzhoro, ho iteani kha sibadela?"

Ha pfi, "Zwino, ni songo vhilaela. Ni na muñwe ngomu fhałā?"

Nda ri, "Ee, mu—mufumakadzi a lwalaho na vhushie vhuvhili."

²⁰⁴ A ri, "Vhothe vho bva." Ha pfi, "Vha modoroni wa thundu huno vho no livha thungo ya Charlestown."

²⁰⁵ Nda gidima, nda dzhena gungwani langa nahone... kana nda dzhena modoroni wanga, na gungwa ḥanga li murahu hayo, huno nda gidimela henengei u... Huno zwenezwo milambwana ya vha yo no tsela fhasi vhuphara vhune vhu nga ḥodou vha maela mbili na hafu kana tharu. Huno vhusiku hothe nda lingedza u... Vhañwe vhavho vha ri, "Modoro, modoro wa u hwala thundu, yo bviswa tshiporoni nga mađi nn̄da henengei burohonu."

²⁰⁶ Zwo ralo, nda diwana ndi ndothe ndo hanganea kha tshiñgadzime tshituku, nda dzula heneffo mađuvha mararu. Ndo vha na tshifhinga tshinzhi tsha u elekanya nga ha uri kana Itsho tsho vha tshi tshika kana hai. Hu tshi bvuma fhedzi, "Mufumakadzi wanga u ngafhi?"

²⁰⁷ Mafhedziselonu musi ndo no mu wana, ho no fhela mađuvha a si gathi nga murahu ha musi ndo no bvela nn̄da nahone ndo no pfuka, o vha o no vha ndilani ya u ya Columbus, Indiana, Oditoriamuni ya Baphuthisi he vha vha vho ita tshi ngaho si—sibadela, malalo maťuku a muvhuso e kha phera dza vhalwadze. Huno nda mu gidimela u ya nga he nda kona,

ndi tshi khou lingedza u wana uri u ngafhi, ndi tshi khou zhamba, “Hope! Hope! Hope!” Huno nda sedza, huno o vha o lala henehfo kha vhulalo, nahone TB yo no dzhena.

A imisa tshanda tshawe tshiṭuku tsho sekenaho, huno a ri, “Billy.”

Huno nda mu gidimela, nahone nda ri, “Hope, mufunwa.”

A ri, “Ndi vhonala ndi tshi ofhisia, a tho ngo ralo?”

Nda ri, “Hai, mufunwa, ni sedzea no luga tshoṭhe.”

²⁰⁸ Tshikhathi tshine tsha ṭodou lingana miñwedzi ya rathi ro ita tshiñwe na tshiñwe tshe ra kona, u lingedza u tshidza vhutshilo hawe, fhedzi u tsela fhasi ha mutakalo wawe ha engedzea na u engedzea.

²⁰⁹ Liñwe ḫuvha ndo vha ndi tshi khou linda nahone ndo vulela radio yanga, huno nda elekanya uri ndo pfa vha tshi ri, huwelelani kha radio, vha ri, “Kha William Branham, u khou ṭodea sibadela nga u ḫavhanya, mufumakadzi u khou lovha.” Nda gidimela murahu sibadela nga u ḫavhanya u ya nga he nda kona, nda funga luvhone lutswuku na sirini, huno nda ḫuwa. Huno zwenezwo nda—nda swika sibadela huno nda ima, nda gidimela ngomu. Ndi tshi tsela fhasi vhukati ha si—sibadela, nda vhona khonani ḫukhu yanga ye ra vha ri tshi rea khovhe ṭoṭhe, ra gidima ṭoṭhe sa vhatukana, Sam Adair.

²¹⁰ Dokotela Sam Adair, ndi ene we bono ḥa mu ḫela tshifhingani tshiṭuku tsho fhiraho huno ḥa mu vhudza nga ha kiliniki. Huno a ri, arali muñwe o timatima ilo bono, mu vhidzeni fhedzi a de a wane vhūtanzi, inwi ni ṭoda u ḫivha nga ha uri lo vha li ḥa ngoho kana hai.

²¹¹ Huno ngauralo zwenezwo ngoyu u da nga u ralo, huno o vha e na muñadzi wawe tshandani tshawe. A ntsedza nahone a sokou thoma u lila. Huno nda mu gidimela, nda mu kuvhatedza. A nkuvhatedza, a ri, “Billy, u khou ḫuwa.” A ri, “Ndi pfa vhūtungu. Ndo ita zwoṭhe zwe nda kona, ndo vha na vhagudeleli na zwithu zwoṭhe.”

Nda ri, “Sam, ngoho ha khou ḫuwa!”

Ha pfi, “Iina, u khou ḫuwa.”

Huno a ri, “Ni songo dzhena hangei nga ngomu, Bill.”

Huno nda ri, “Ndi tea u dzhena, Sam.”

Huno a ri, “Ni songo zwi ita. Ni songo, ndi a humbelia uri ni songo.”

Nda ri, “Ntendeleni ndi dzhene.”

Ha pfi, “Ndi do ya na inwi.”

²¹² Nda ri, “Hai, inwi salani hafha nn̄da. Ndi ṭoda u vha nae kha miniti yawe ya u fhedzisela.”

Ha pfi, “O dzidzivhala.”

²¹³ Nda dzhena lufherani. Huno muongi o vha o dzula heneffho, nahone a tshi khou lila ngauri ene na Hope vho vha vhe dzithama tshikoloni. Huno ngauralo nda sedza afho, huno a thoma u lila, a imisa tshanda tshawe. Huno a thoma u tshimbila-tshimbila.

²¹⁴ Huno nda sedza afho, nahone nda mu dzinginyisa. A vha e heneffho, tshileme tshawe tsho vha tsho no tsa u bva kha phaundu dzine dza todou swika dafumbili, u ya kha dzi no todou swika dza furathi. Huno nda—nda mu dzinginyisa. Huno arali nda tshila u swika miñwaha ya ñana, a thi nga hangwi two iteaho. A rembuluwa, huno ayo mañó mahuluhulu o nakaho a ntsedza. A mwemwela. A ri, “Ndi ngani no mmbidzela murahu, Billy?”

Nda ri, “Mufunwa, ndi kha ñi bva u wana kheshe . . .”

²¹⁵ Nda tea u shuma. Ro vha ri na tshikolodo na mbalelano ya dokotela ya dolara dza madana, huno ri si na tsha u i badela ngatsho. Huno nda tea fhedzi u shuma. Huno ndo vha ndi tshi mu vhona kavhili kana kararu nga ñuvha, na vhusiku vhuñwe na vhuñwe, na zwenezwo musi e kha iyo nyimele.

Nda ri, “Ni amba mini, nga ha u ‘Vhidzela’ inwi ‘murahu?’”

²¹⁶ A ri, “Bill, no no rera nga Halo, no no amba nga Halo, fhedzi a ni na na muhumbulo wa uri ñi nga vha ñi mini.”

Nda ri, “Ni khou amba nga ha mini?”

²¹⁷ A ri, “Tadulu.” A ri, “Vhonani,” a ri, “Ndo vha ndi tshi khou fhelekedzwa Hayani nga vhañwe vhathu, vhanna kana vhasadzi kana tshiñwe tshithu. Vho vha vho ambara tshena.” Huno a ri, “Ndo vha ndo ñigeda nahone ndi kha mulalo.” Ha pfi, “Zwinoni zwiñhulu two nakaho zwi tshi fhufha u bva kha muri u ya kha muri.” A ri, “Ni songo vhona unga ndo ñangana thoho.” A ri, “Billy, ndi khou yo ni vhudza khakho yashu.” A ri, “Dzulani fhasi.” A tho ngo; ndo gwadama fhasi, nda dzhia tshanda tshawe. A ri, “Ni a ñivha uri khakho yashu i ngafhi?”

Huno nda ri, “Ee, mufunwa, ndi a ñivha.”

²¹⁸ A ri, “Ro vha ro tea ri songo thetshelesa Mma na kathihi. Havhaña vhathu vho vha vhe ngohoni.”

Huno nda ri, “Ndi a zwi ñivha.”

²¹⁹ A ri, “Mpfulufhedziseni heli, la uri ni ño ya kha vhathu havhaña,” a ri, “ngauri vha kha ngoho.” Huno a ri, “Alusani vhananga nga u ralo.” Huno nda . . . A ri, “Ndi ñoda u ni vhudza tshiñwe tshithu.” A ri, “Ndi khou fa, fhedzi” a ri “ndi . . . a thi—a thi shavhi u tuwa.” Ha pfi, “Ho—ho naka.” A ri, “Tshithu tshithihi, ndi vhenga u ni tutshela, Bill. Huno ndi a zwi ñivha zwauri ni na havha vhana vhavhili vhatuku uri ni vha ñaluse.” A ri, “Mpfulufhedziseni uri—uri ni nga si dzule ni nothe na tendela vhananga vha tshi tekatekiswa.” Helo lo vha fhungo la ñhalukanyo kha mme wa miñwaha ya fumbilinthihi.

Huno nda ri, “Ndi nga si fulufhedzise helo, Hope.”

²²⁰ A ri, “Ndi humbelu uri ni mpfulufhedzise.” Ha pfi, “Tshithu tshithihi tshire nda ṭoda u ni vhudza.” Ha pfi, “Ni a humbula tshiila tshigidi?” Ndi sokou ḥangana thoho nga zwigidi. Huno a ri, “No vha ni tshi khou ṭoda u renga tshiila tshigidi lila ḫuvha huno no vha ni si na tshelede yo edanaho u ita dipositi.”

Nda ri, “Ee.”

²²¹ A ri, “Ndo vha ndi tshi khou vhulunga tshelede yanga, nikelé dzanga, u lingedza u ita iyo dipositi ya tshiila tshigidi ndi tshi itela inwi.” A ri, “Zwino, musi hezwi zwe no fhira nahone na ya hayani, ni sedze kha vhulalo vhune ha petea kavhili...kana mmbete u peteaho, nga fhasi ha tshiila tshipida tsha bammbiri nga nthā, huno ni ḫo wana tshelede henehfo.” A ri, “Mpfulufhedziseni uri ni ḫo renga itsho tshigidi.”

²²² A ni ḫivhi nga ndila ye nda dipfa musi ndi tshi vhona iyo dolara na sente dza fusumbethanu (nga dzinikele) dici henehfaļa. Ndo wana tshigidi.

²²³ Huno a ri, “Ni a elelwa tshiila tshifhinga tsha musi ni tshi khou ya doroboni u nthengela phere ya milenze, huno ra vha ri tshi khou ya Fort Wayne?”

Nda ri, “Ee.”

²²⁴ Ndo vha ndo no vhuya u rea khovhe, huno a ri...Ro do tea u ya Fort Wayne, nda tea u rera vhusiku honoho. Huno a ri, “Ni a ḫivha, ndo ni vhudza, ‘Hu na tshakha mbili dzo fhambanaho.’” Luñwe lu pfi “tshifoni.” Huno luñwe ndi lufhio, rayoni? Naa ndi zwone? Rayoni na tshifoni. Zwe ralo, hu si na uri ndi ifhio, tshifoni yo vha i khwinesa. Naa ndi zwone? Huno a ri, “Zwino, ni nngwanele tshifoni, tshitaila tsho fhelelaho.” Ni a ḫivha tshiila tshithu tshire vha na tshiila tshithu tshituku nga murahu ha mulenze, nthā? Huno ndo ḫha ndi sa ḫivhi tshithu nga ha zwiambaro zwā vhasadzi, ngauralo nda... .

²²⁵ Huno ndo vha ndi tshi khou tshimbila tshiṭaraṭani nahone ndi tshi ri, “Tshifoni, tshifoni, tshifoni, tshifoni,” ndi tshi lingedza u dzula ndi tshi elekanya nga ha, “tshifoni, tshifoni, tshifoni.”

Muñwe a ri, “Ndaa, Billy!”

²²⁶ Nda ri, “Oo, ndaa, ndaa.” “Tshifoni, tshifoni, tshifoni, tshifoni, tshifoni.”

²²⁷ Huno nda ya khuḍani nahone nda ḥangana na Vho-Spon. Vha ri, “Hu rini, Billy, ni a ḫivha uri khovhe i khou lela zwino hangei siani ḫa afho fhethu ha vhumvumvusi ha u fhedzisela?”

Nda ri, “Ngoho yo fhelelaho, naa ndi zwone?”

“Iina.”

Zwino nda elekanya, musi ndi tshi mu ḫutshela, “Tshiila tshithu tsho vha tshi tshini?” Ndo tshi hangwa.

²²⁸ Ngauralo Thelma Ford, musidzana we nda mu ḋivha, o shuma vhengeleni la sente dza fumi. Huno ndo zwi ḋivha uri vha rengisa milenze ya vhasadzi henengei, ngauralo nda ya henengei. Nda ri, "Hu rini, Thelma."

Huno a ri, "Hu rini, Billy. Ni vuwa hani? Hope u hani?"

²²⁹ Huno nda ri, "Zwavhuđi." Nda ri, "Thelma, ndi ṭoda phere ya swogisi dza Hope."

A ri, "Hope ha ṭodi swogisi."

Nda ri, "Ee, vho-mme, nga ngoho u a ṭoda."

Ha pfi, "Ni khou amba miłenze."

²³⁰ "Oo, nga ngoho," nda ri, "hezwo ndi zwone zwine zwa vha zwone." Nda elekanya, "Uh-oh, ndo no sumbedza u sa ḋivha hanga."

Huno a ri, "U ṭoda lushaka lufhio?"

Nda elekanya, "Uh-oh!" Nda ri, "Ni na lushaka lufhio?"

A ri, "Ho luga, ri na rayoni."

²³¹ Ndo vha ndi sa ḋivhi phambano. Rayoni, tshifoni, zwothe zwi pfala zwi zwithihi. Nda ri, "Hezwo ndi zwone zwine nda ṭoda." A ri... Nda ri, "Ndugiseleni phere yayo, tshitaila tsho fhelelaho." Huno a... Ndo khakha hafho. Ndi mini iyo? Fesheni yo fhelelaho. "Fesheni yo fhelelaho." Huno ngauralo nda ri, "Ndugiseleni phere yayo."

²³² Huno musi a tshi da u nñeа yone, yo vha i tshi ṭoda u vha furaru wa sente fhedzi, sente dza mahumi mavhili kana sente dza furaru, i tshi ṭodou vha hafu ya mutengo. Zwo ralo, nda ri, "Nñeeni phere dzayo mbili." Ni a vhona?

²³³ Huno nda humela hayani, huno nda ri, "Ni a ḋivha, mufunwa, vhoiñwi vhasadzi ni ḫalađala na ḫorobo yoñhe ni tshi renga uri ni wane zwithu zwa mutengo wa phasi." Ni a ḋivha uri ni funa hani u ḫiambela. Huno nda ri, "Fhedzi hafha, sedzani hafha, ndo renga phere mbili nga mutengo une inwi na renga phere nthihi ngawo. Ni a vhona?" Nda ri, "Oo, hezwo ndi vhukoni hanga." Ni a vhona, nda ri—nda ri, "Ni a ḋivha, Thelma o nthengisela hezwi." Nda ri, "A nga kha di vha o ntendela u i dzhia nga hafu ya mutengo."

A ri, "No wana tshifoni?"

²³⁴ Nda ri, "Ee, vho-mme." Zwo pfala zwi tshi fana kha nñe, a tho ngo zwi ḋivha zwauri hu na phambano.

²³⁵ Huno a mmbudza, a ri, "Billy." Ndo elekanya nga ndila i songo ḫoweleafo musi a tshi ya Fort Wayne, o ḫo tea u wana iñwe phere ya miłenze. O ri, "Ndo i nñeа mme añu," a ri, "ndi ya vhasadzi vho aluwaho." Ha pfi, "Ndi a ḫisola nge nda ita hezwo."

Huno nda ri, "Oo, hezwo zwo luga, mufunwa."

²³⁶ Huno a ri, "Zwino, ni songo—ni songo dzula ni noñhe." Huno a ri... O vha a sa ḋivhi zwe zwa vha zwi tshi khou ḫo

itea nga awara dzi si gathi u bva tshifhingani itsho. Huno nda fara zwanda zwawe zwi funwaho musi Vharuňwa vha Mudzimu vha tshi mu dzhia.

²³⁷ Nda ya hayani. Nda sa divhe uri ndi nga itani. Nda lala heneffho vhusiku huno nda pfa... Ndi elekanya uri ho vha hu mbevha thukhu, yo vha i ngomu ha fureme ya kale he ra vha ro dzenisa mařwe mabammbiri ngomu heneffho. Huno nda vala vothi nga mulenzhe wanga, huno heneffho kimono yawe yo vha i tshi khou nembelela murahu, (huno o lala heneffhaļa motsharani). Huno nga tshifhinga tshiṭuku muřwe a mmbidza, a ri, “Billy!” Huno ho vha hu Murathu Frank Broy. A ri, “Lushie lwāņu lu khou fa.”

Nda ri, “Lushie lwanga?”

²³⁸ Ha pfi, “Ee, Sharon Rose.” Ha pfi, “Dokotela u henengei n̄ha zwino, huno a ri, ‘U na meningitisi ya lufhiha, o i mama kha mme awe.’” Huno a ri, “U khou fa.”

²³⁹ Nda dzhena mođoroni, nda ya henengei. Huno ngoyo afho he a vha e hone, muthu mutšuku wavhudži. Huno vha mu gidimisela sibadela.

²⁴⁰ Nda bva nda yo mu vhona. Sam a ḏa huno a ri, “Billy, ni songo ya lufherani holuļa, ni tea u elekanyela Billy Paul.” Ha pfi, “U khou fa.”

Nda ri, “Dokotela, ndi—ndi tea u vhona lushie lwanga.”

²⁴¹ A ri, “Hai, ni nga si kone u dzhena.” Ha pfi, “U na meningitisi, Billy, huno ni ḏo i hwalela Billy Paul.”

²⁴² Huno nda lindela u swika a tshi bvela nn̄da. A tho ngo kona u kondelela u vhona a tshi fa, na mme awe vho edela heneffhaļa ngomu ha tshifhaļo tsha muswiči wa vhafu. Ndi a ni vhudza, ndila ya mupfuki wa mulayo i a konda. Huno nda—nda ya, nda dzhena muñangoni, huno musi Sam o no bva na muongi o bva, nda tsela kha basimennde. Ndi sibadela tshiṭukunyana. O vha e fhethu hu re thungonyana, huno thunzi dzo vha dzi kha mađo awe mađuku. Huno vho vha vhe na tshiṭuku... tshire ra tshi vhidza “thamu ya lunyunyu,” kana netenyana kha mađo awe. Huno o vha e na...na u khwaṭhanyana ha misipha, kudenžhe kwawe kwo khwaṭhaho kwo vha ku tshi khou ya n̄ha na fhasi nga u ralo, na zwanda zwawe zwitšku, zwi na uho u tatamuwa ha misipha. Huno nda mu sedza, huno o vha o no aluwa lune a nga vha wavhudži, e na miňwedzi ine ya ḥoda u swika malo.

²⁴³ Huno mme awe vho vha tshi anzela u mu dzudza heneffhaļa nn̄da o hwala khuda thukhu tharu dzawe, ni a divha, džharatani, musi ndi tshi da. Huno ndo vha ndi tshi lidza huthara, huno a ri, “goo-goo, goo-goo,” a tshi ḏa kha nne, ni a divha.

²⁴⁴ Huno heneffho ho vha ho lala mufumakadzi wanga, a tshi khou fa. Nda sedza fhasi khae, huno nda ri, “Sharry, ni a

divha Khotsi? Ni a divha Khotsi, Sharry?" Huno musi a tshi sedza... O vha a tshi khou vhaisala nga maanda u swika liñwe la maþuku a buþu avhudì lo no liana. Hezwo zwo þodou kherukanya mbilu yanga zwa i bvisa kha nné.

²⁴⁵ Nda gwadama fhasi, nda ri, "Murena, ndo ita mini? Naa a tho ngo rera Mafhungo-madifha khuðani dza dzindìla? Ndo ita zwathe zwine nda divha u ita. U songo mmbona mulandu khazwo. A tho ngo vhuya nda ri avho vhathu ndi 'tshika.' Ndi ene we a ri avho vhathu ndi 'tshika.'" Nda ri, "Ndi a disola zwo itea. Nkhangwele. U songo—u songo dzhia lushie lwanga." Huno musi ndi kha di rabela, ha vhonala tshe tsha nga tshitswu... tshi tshi fana na lagane kana sila li tshi tsela fhasi. Nda zwi divha zwauri O ndandula.

²⁴⁶ Zwino, heneffo ho vha hu tshifhinga tshi kondesaho nahone tshivhi nga maandesa tsha vhutshilo hanga. Musi ndo no takuwa nda mu sedza, nahone nda elekanya... Sathane a džhenisa thalukanyoni yanga, "Zwo ralo, ni amba uri nga ndila ye na didina ni tshi rera, na nga ndila ye na tshila, huno zwino zwi tshi da kha lushie lwanu, A nga ni tanutshela?"

²⁴⁷ Huno nda ri, "Ndi zwone. Arali A sa koni u tshidza lushie lwanga, zwenezwo ndi nga si..." Nda ima. Nda—nda sa divhe uri ndi nga itani. Huno nda mbo amba heþi, nda ri, "Murena, Wo nþea ene huno Wo mu dzhia, Dzina la Murena nga li fhatutshedzwe! Arali na nné Wa nnzhia, ndi do di dzula ndi tshi Ú funa."

²⁴⁸ Huno nda vhea tshanda tshanga khae, nda ri, "Fhatutshedzeani, mufunwa. Khotsi vho toða u ni alusa, nga mbilu yanga yoþhe ndo toða u ni alusa, nahone nda ni alusela u funa Murena. Fhedzi Vharunwa vha khou ni ðela, mufunwa. Khotsi vha do dzhia muvhili waþu muþuku vha u tsitsa nahone vha u ededza zwandani zwa Mma. Ndi do ni swiþa navho. Liñwe ðuvha Khotsi vha do tangana na inwi, inwi itonu lindela henengei nþha na Mma."

²⁴⁹ Musi mme awe vha tshi khou fa, vho amba, maipfi a u fhedzisela e vha amba, vho ri, "Bill, dzulani tsimuni."

²⁵⁰ Nda ri, "Ndi do ralo..." Vha ri... Nda ri, "Arali ndi tsimuni musi A tshi da, ndi do dzhia vhana nda tanganedza. Arali ndi siho, ndi do swiþwa tsini haþu. Huno ni ye thungo ya tshanda tsha u la tsha gethe khulwane, huno musi ni tshi vhona vhoþhe vha tshi dzhena, ni ime heneffo huno ni thome u huwelela, 'Bill! Bill! Bill!' zwi pfale u ya nga hune na kona. Ndi do tangana na inwi heneffo." Nda mu khisa uri a tshimbile zwavhuði. Ndi mudavhini wa mndwa ñamusi. Ho no fhela tshifhinga tshi toðaho u lingana miñwahà ya mahumi mavhili. Ndo vhea ðuvha þanga na mufumakadzi wanga, ndi khou yo tangana nae.

²⁵¹ Huno nda dzhia lushie luþuku, musi lwo no fa, nda lu vhea zwandani zwa mme, huno ra lu bvisela nnða ra ya zwaloni.

Huno nda ima heneffo uri ndi thetshelese Mukomana Smith, mureri wa Mumethodisi o reraho mbulungoni, “Miora miorani, huno buse busenī.” (Huno nda elekanya, “Mbilu kha mbilu.”) A namba o ḥuwa.

²⁵² Hu si kale nga murahu ha izwo, nda ḥuwa na Billy muṭuku ra ya henengei nga maiwe matsheloni. O vha a tshi kha di tou vha muthu muṭukufuku. O vha e . . .

²⁵³ Izwo ndi ngazwo a tshi dzula e na nne na nne nda dzula ndi nae, ndo do tea u vha Khotsi na Mma (vhuvhili hazwo) khae. Nda tea u dzhia bodelo ḥawē lituku. Ro vha ri sa koni u vha na mulilo vhusiku uri ri kone u ita zwauri mafhi awe a dzule a tshi dudela, huno ndo vha ndi tshi li vhea nga fhasi ha muṭana wanga ngaurali huno nda ita uri li dzule li tshi dudela nga muvhiso wa muvhili wanga.

²⁵⁴ Ro vha ro kwambatelana sa dzikhonani, huno nga liṅwe ḥa haya maduvha musi ndi tshi ḥuwa tsimuni ndi ṭoda u mu nea Ipfi, nahone nda ri, “Iyani phanda, Billy. Ni dzule no Li kwambatela.” Vhauwe vhathu vha a mangala uri ndi ngani ndi tshi dzula ndi nae tshifhinga tshofhe. A thi koni u mu ṭutshela. O no di mala, fhedzi ndi kha di elelwa uri vho mmbudza uri, “Dzulani nae.” Huno ro kwambatelana sa dzikhonani.

²⁵⁵ Ndi a elelwa ri tshi mona-mona na dorobo, bodelo li nga fhasi ha tshanda tshanga, o vha a tshi swika hune a lila. Vhuniwe vhusiku o vha . . . ro vha ri tshi khou tshimbila nnda dzharatani i re nga murahu he ha sokou . . . (Musi vho vha vha tshi khou mu ṭoda, o vha a tshi khou fhihamelwa, huno nda . . . musidzana zwawe, ni a ḫivha.) Huno nda ya phanda na murahu u bva murini wa muouku wa kale murahu dzharatani. Huno o vha a tshi khou lilela Mme awe, huno a tho ngo vha na Mme muñwe-vho ane nda nga mu isa khae. Huno nda mu beba, nda da nda ri, “Oo, mufunwa.” Nda ri . . .

²⁵⁶ A ri, “Khotsi, mme anga vha ngafhi? Naa vho vha dzhenisa kha ala mavu?”

Nda ri, “Hai, mufunwa. Vho luga, vha hangei n̄tha Tađulu.”

²⁵⁷ Huno a amba tshiñwe tshithu heneffo, tshe tsha ṭodou mbulaha, nga maiwe masiari. O vha a tshi khou lila, e na nne vhusiku vhuhulu, huno ndo vha ndo mu beba muṭanani wanga nga ndila yo ralih, ndo mu beba kha shāḍa ḥāngā nahone ndi tshi mu phaphatha nga ndila heyi. Huno a ri, “Khotsi, kha vha ye vha wane Mma nahone vha vha dise fhano.”

Huno nda ri, “Mufunwa, ndi nga si kone u wana Mma. Yesu . . .”

A ri, “Zwo luga, kha vha vhudze Yesu a nthumele mme anga. Ndi khou vha ṭoda.”

²⁵⁸ Huno nda ri, “Ho luga, mufunwa, ndi . . . nne na inwi ri khou yo vha vhona tshiñwe tshifhinga.”

Huno a ima, a ri, “Khotsi!”

Huno nda ri, “Ee?”

A ri, “Ndo vhona Mma hangei n̄ha ha lila gole.”

²⁵⁹ N̄nenne, lo ṭodou mbulaha! Nda elekanya, “N̄nenne! ‘Ndo vhona Mma hangei n̄ha ha lila gole.’” Nda ṭodou dzidživhala. Nda kuvhatedza nwana muṭuku khanani yanga nga ndila yo ralih, huno nda kotamisa thoho yanga, nda dzhena.

²⁶⁰ Maduvha a t̄andulukana a tshi ya. A tho ngo kona u zwi hangwa. Nda lingedza u shuma. Nda sa kone u humela hayani, ho vha hu si tsha vha haya lini. Huno nda ṭoda u dzula. Ro vha ri si na tshithu nga nn̄da ha fanitshara ila ya kale yo t̄ahalaho, fhedzi yo vha i tshiñwe tshithu tshe n̄ne na ene ra diphina rothe ngatsho. Ho vha hu haya.

²⁶¹ Huno ndi elelwa linwe duvha ndo vha ndi tshi khou lingedza u isa tshumelo kha vhathu. Ndo vha ndo ya u lugisa sekondari ya kale, ye ya vha i tshi khou nembelela, hu tshi kha di vha nga matshelonitsheloni vhukuma. Huno nda namela itshi tshifhambano. (Huno nda si kone u nga litsha u londota ulwo lushie. Ndo kona u vhona mufumakadzi wanga a tshi tuwa, fhedzi ulwo lushie lu tshi tuwa, lu tshi tou vha fhedzi muthu muṭukutuku.) Huno ndo vha ndi henengei n̄ha, nahone ndi tshi khou imba, “Kha muvhundu kule-kule, ho vha hu na Tshifhambano tsha kale tshi hwasaho.” Huno phuraimari dzi tshi tsela fhasi kha tharanisifoma nahone dza bvela nn̄da dza dzhena (ni a divha) kha sekondari. Huno ndo vha ndo nembelela henengei n̄ha hayo. Huno nda tea u sedza, na duvha li tshi khou da n̄ha murahu hanga. Huno benefho, zwanda zwanga zwe tharamudzwa na tshiga tsha itsho Tshifhambano tshi kha—kha lurumbu lwa muvhundu. Nda elekanya, “Ee, ho vha hu zwivhi zwanga zwe zwa Mu vhea hafhalā.”

²⁶² Nda ri, “Sharon, mufunwa, Khotsi vha ṭoda nga maanda u ni vhona, mufunwa. Nga ndila ine nda do takalela u ni takula hafhu zwandani zwanga, inwi muthu muṭuku a funwaho.” Nda xelewā nga thalukanyo. Ho no fhela dzivhege. Nda bvula gilafu langa la rabara. Hu na volitsi dza mađana a fumbiliraru dzine dza khou fhira thungo hanga. Nda bvula gilafu langa la rabara. Nda ri, “Mudzimu, ndi vhenga u ita hezwi. Ndi goswi.” “Fhedzi, Sharry, Khotsi vha khou yo ni vhona na Mma nga miniti i si gathi fhedzi.” Nda thoma u bvula gilafu langa, u vhea tshanđa tshanga kha ayo mađana a fumbiliraru. Yo vha i tshi do vunda... Mulandu, no vha ni si nga vhi na malofha a no do sala e kha inwi. Huno ngauralo nda—nda—nda thoma u bvula ilo gilafu, huno tshiñwe tshithu tsha itea. Musi ndi tshi dzivhuluwa, ndo vha ndo dzula fhasi na zwandā zwanga zwe ya n̄ha nga ndila heyi, tshifhauwoni tshanga, ndi tshi khou lila. Tsho vha tshi

tshilidzi tsha Mudzimu, kana ndo vha ndi tshi ḋo vha ndi si na tshumelo ya phodzo fhano, ndi na ngoho nazwo. Ho vha hu Ene a tshi khou tsireledza tshifhiwa Tshawe, hu si nne.

²⁶³ Nda thoma u ya hayani. Nda litsha, nda vhea zwishumiswa zwanga kule. Huno nda humela murahu, nda ri, “Ndi khou ya hayani.”

²⁶⁴ Nda mona-mona nđuni, huno nda dzhia poswo nđuni, hu tshi rothola, nda dzhena ngomu. Ro vha ri na lufhera luthihi luṭuku, ndo vha ndi tshi eđela kha khotho ḫukhu heneffho, huno ḥwando u tshi khou wa, na itsho tshiṭofu tsha kale. Nda dzhia poswo huno nda sedza ngomu ha poswo, huno tshithu tsha u thoma heneffho ho vha hu u vhulunga hawe zwiṭuku zwa Khushumusi, sente dza fumalo, “Mufumakadzana Sharon Rose Branham.” Ngelō afho, lo dovha.

²⁶⁵ Ndo vha ndi mulondoti wa dziphukha. Ndo swika ngomu heneffho huno nda wana tshigidi tshanga, pisitolo, i tshi bva tshikwamani. Nda ri, “Murena, ndi—ndi nga si tsha kona u zwi kondèlela hezwi, ndi khou—ndi khou fa. Ndi khou—ndi khou shengela nga maända.” Nda kokodzela hamara murahu kha tshigidi, nda tshi vhea kha thoho yanga, ndo gwadama heneffho kha iyo khotho lufherani ulwo lu re na swiswi. Nda ri, “Khotsi ashu A re Tađulu, Dzina Lau li khethwe. Muvhuso Wau u de, lufuno Lwau nga lu itwe,” huno vhunga ndo lingedza, nahone ndo puṭedza iyo thirigara u ya nga he nda kona, nda ri, “fhano kha lifhasi vhunga zwi tshi itwa ngei Tađulu. Ri nee ḥamusi tshinnkwa tshashu tsha ḫuvha ḥinwe na ḥinwe.” Huno tsha sa tende u thuntsha!

²⁶⁶ Huno nda elekanya, “Oo Mudzimu, naa U khou tou nkherukanya nda bva zwipida? Ndo itani? A wo ngo vhuya wa ntendela ndi tshi fa.” Huno nda posela tshigidi fhasi, huno tsha rithea tsha thuntsha tsha phuletshedza lufherani. Nda ri, “Mudzimu, mulandu ndi sa fi huno nda bva khazwo? A thi tsha tou kona u bvela phanda. U tea u ita tshiñwe tshithu kha nñe.” Huno nda wa nahone nda thoma u lila ndi kha lubete lwanga, lwa kale lu re na tshika heneffho.

²⁶⁷ Huno ndi fanela u vha ndo ya u eđela. A thi ḫivhi uri kana ndo vha ndo eđela kana ho iteani.

²⁶⁸ Tshifhinga tshothe ndo ḫulutshelwa u ḫuwa Vhukovhela. Tshifhinga tshothe ndo ḫođa u vha na muñwe wa iyo miñadzi. Khotsi anga vho vha vha tshi ḫerisa dzibere maduvhani a vhuswa havho, huno tshifhinga tshothe ndo ḫođa u vha na muñwe wa iyo miñadzi. Huno Mukomana Demos Shakarian o mbo nthengela muñwe mulovha, wa u thoma we nda vha nawo (we nda vhuya nda vha nawo) wo raļaho, muñwe wa lushaka lwa miñadzi ya vhukovhela.

²⁶⁹ Huno ndo elekanya zwauri ndo vha ndi tshi khou tsa vhukati ha phureri, ndi tshi khou imba luļa luimbo, “Hu na linga li re kha

goloi lo vundeaho, tshiga kha bulasi, 'I Khou Rengiswa.'" Huno ndi tshi khou tshimbila, nda vhona goloi ya kale yo tibiwaho, i tshi fana na gungwa la kale la phureiri, huno linga lo vha lo vundea. A hu na zwiñwe, heyo yo vha yo imela muña wanga wo kwashekanaho. Huno ndi tshi sendela, nda sedza, huno heneffo ho vha ho ima ñwa—ñwananyana o nakaho vhukuma, muswa, ane a todou vha na miñwaha ya fumbili, mavhudzi matshena a nembelelaho na mañgo a buluu, o ambara tshena. Nda mu lavhelesa, nda ri, "Ni vuwa hanî?" Nda tshimbila.

A ri, "Aa, Khotsi."

²⁷⁰ Huno nda humela murahu, nda ri, "Khotsi?" "Mulandu," nda ri, "hani, Mufumakadzana, ni nga...ndi nga vha khotsi anu ngeno no aluwa sa nñe?"

²⁷¹ A ri, "Khotsi, vha tou vha vha sa ñivhi uri vha ngafhi." Huno nda ri, "Ni khou amba mini?"

²⁷² A ri, "Heñi ndi Tađulu." A ri, "Kha liphasi ndo vha ndi Sharon wavho muñuku."

"Mulandu," nda ri, "mufunwa, no vha ni tshi tou vha lushie luñuku."

²⁷³ Ha pfi, "Khotsi, vhuskie vhuñuku a si vhuskie vhuñuku fhano, a vhu tsha fa. A vhu tsha vha ha kale na kathihi kana a vhu tsha aluwa na kathihi."

²⁷⁴ Huno nda ri, "Ho luga, Sharon, mufunwa, ni—ni musadzi o nakaho, muswa."

A ri, "Mma vho vha lindela."

Huno nda ri, "Ngafhi?"

A ri, "Hangei nñha hayani havho huswa."

²⁷⁵ Huno nda ri, "Haya huswa?" Vhobranhama ndi vhatendeleki, a vha na mahaya, vha tou...Huno nda ri, "Ho luga, a tho ngo vha na haya na kathihi, mufunwa."

²⁷⁶ A ri, "Fhedzi vha na huñwe hafha nñha, Khotsi." A thi ñiiti lushie, fhedzi kha nñe zwi vhonala zwi zwa vhukuma nga maanda. [Mukomana Branhama u a tswimila—Mudz.] Ndi tshi thoma u elekanya nga hazwo, zwi dovha zwa vhuya zweþhe. A ri, "Vha na huñwe hafha, Khotsi." Ndi a zwi ñivha zwauri ndi na huñwe hangei, nga liñwe la mañvha ndi ðo ya khaho. A ri, "U ngafhi Billy Paul, khaladzi yanga?"

²⁷⁷ Huno nda ri, "Ho luga, ndo mu sia ha Vho-Mme Broy, miniti i si gathi yo fhiraho."

Ha pfi, "Mma vha ñoda u vha vhona."

²⁷⁸ Huno nda rembuluwa nahone nda sedza, huno ho vha hu na dzipfamo khulu, na Vhugala ha Mudzimu vhu tshi alama khadzo. Huno nda pfa khwairi ya Vharuñwa i tshi khou imbelela, "Haya hanga, Haya hu ñifhaho." Ndo mbo thoma u dia maga malapfu, ndi tshi gidima u ya nga he nda kona. Huno musi ndi tshi swika muñangoni, a vha o ima heneffo, o ambara

tshiambaro tshitshena, ayo mavhudzi matswu, malapfu, a tshi khou nembelela muṭanani wawe. A takusa zwanda zwawe, sa zwe a vha a tshi ita tshifhinga tshothe musi ndi tshi ḍa hayani ndo neta ndi tshi bva mushumoni kana tshiñwe tshithu. Nda mu fara nga zwanda, huno nda ri, "Mufunwa, ndo vhona Sharon hafhaļa phasi." Nda ri, "O no vha musidzana wavhuđi, ho ngo ralo?"

²⁷⁹ A ri, "Ee, Bill." A ri, "Bill." A nkuvhatedza, (huno a ri) u mona na mahada anga fhedzi, a thoma u mphaphatha, a ri, "Litshani u vhilaela nga ha nne na Sharon."

Nda ri, "Mufunwa, a thi koni u ita nga iñwe ndila."

²⁸⁰ A ri, "Zwino, nne na Sharon ri khwine kha zwine na vha zwone." Huno a ri, "Ni songo tsha dovha na vhilaela nga riñe. Naa ni do mpfulufhedzisa?"

²⁸¹ Huno nda ri, "Hope," nda ri, "Ndo vha na tshiñvho nga maanda kha inwi na kha Sharon, huno Billy u dzula a tshi ni lilela." Nda ri, "A thi ñivhi uri ndi nga ita mini ngae."

²⁸² Huno a ri, "Zwi do luga, Bill." A ri, "Mpfulufhedziseni fhedzi uri a ni tsha do dovha na vhilaela." Huno a ri, "Naa a ni dzuli zwañu phasi?" Huno nda sedza u mona hothe huno ho vha hu na tshidulo tshihuluhulu.

²⁸³ Huno ndi elelwa zwauri ndo lingedza u renga tshidulo. Zwino, u valani. Ndo lingedza u renga tshidulo tshiñwe tshifhinga. Ro vha ri tshi tou vha na zwa kale—zwa kale zwidulo zwo doweleafo zwe phasi hazwo zwa vha zwo itwa nga thanda ri tshi zwi shumisa u ñela vhuragane khazwo. Ro do tea u zwi shumisa, zwidulo zwi zwothe zwe ra vha ri nazwo. Huno ro vha ri tshi nga renga tshiñwe tsha izwi zwidulo zwine na ñitika ngazwo nga murahu, u fana na... Ndi hangwa lushaka lwa tshidulo tshire tsha awedza muthu hu si na vhuleme. Huno tshi dura dolara dza fumisumbe, huno no vha ni tshi nga badela doļara tharu sa depositi na dolara nga vhege. Huno ri na tshiñwe. Huno, oo, musi ndo no dzhena... ndo vha ndi tshi do shuma ñuvha lothe, nahone nda rera u swika vhukati ha vhusiku u mona na zwiṭarata na huiwe na huiwe he nda vha ndi tshi do kona u rera.

²⁸⁴ Huno—huno liñwe ñuvha nda salela murahu kha mbadelo dzanga. Ro kundelwa, huno zwa ralo ñuvha na ñuvha, huno mafhedziseli liñwe ñuvha vha da vha wana tshidulo tshanga vha tshi dzhia. Vhusiku honoho, a thi nga hangwi na kathihi, o mmbakela phai ya tsheri. Muthu muṭuku wa kale a ḫungufhadzaho, o—o—o zwi ñivha uri ndo vha ndi tshi khou yo shona. Huno nga murahu ha tshilalelo nda ri, "Ndi mini no tou luga ngaurali madekwana a ñamusi, mufunwa?"

²⁸⁵ Huno a ri, "Divhani zwauri, ndo vha na vhatukana vhusponi vha ni gwele vhusiđu. A ni humbuli uri ri tea u tsela mulamboni huno ra rea khovhe lwa tshifhinganyana?"

Huno nda ri, "Ee, fhedzi..."

²⁸⁶ Huno a thoma u lila. Nda zwi ḋivha zwauri hu na tsho khakheaho. Ndo vha na muhumbulo ngauri vho vha vho no nthumela nđivhadzo ya uri vha khou ḍa u tshi dzhia. Huno ro vha ri sa koni u ita iyo mbadelo ya dolara nga vhege. A ro ngo kona, a ro ngo . . . a ro ngo kona u ita. A nkuvhatedza, huno nda ya muñangoni tshidulo tshanga tsha vha tsho ṭuwa.

O mmbudza Hangei n̄ha, a ri, “Ni a elelwa tshila tshidulo, Bill?”

Huno nda ri, “Ee, mufunwa, ndi a elelwa.”

Ha pfi, “Hetsho ndi tshe na vha ni tshi khou elekanya nga hatsho, tsho vha tshi si tshone?”

“Iina.”

²⁸⁷ Ha pfi, “Ho luga, hetshi a vha nga tshi dzhii, hetshi tsho badelelwā.” A ri, “Dzulani fhasi lwa tshifhinganyana, ndi ḥodou amba na inwi.”

Huno nda ri, “Mufunwa, hezwi a thi zwi pfesesi.”

²⁸⁸ Huno a ri, “Mpfulufhedziseni, Billy, mpfulufhedziseni zwauri a ni tsha do dovha na vhilaela. Ni khou humela murahu zwino.” Huno a ri, “Mpfulufhedziseni zwauri a ni nga vhilaeli.”

Huno nda ri, “Hezwo ndi nga si kone u zwi ita, Hope.”

²⁸⁹ Huno zwenezwo nda dzivhuluwa, ho vha hu na swisi lufherani. Nda sedza u mona hoṭhe, huno nda pfa tshanda tshawe tsho nkuvhatedza. Nda ri, “Hope, naa ni fhano lufherani?”

²⁹⁰ A thoma u mphaphatha. A ri, “Ni khou yo nnyitela iyo pfulufhedziso, Bill? Mpfulufhedziseni zwauri a ni nga do mala . . . u vhilaela hafhu.”

Nda ri, “Ndi a ni fulufhedzisa.”

²⁹¹ Huno musi o no mphaphatha luvhili kana luraru, a vha o ṭuwa. Nda fhufhela n̄ha nahone nda funga luvhone, nda sedza hoṭhe-hoṭhe, a vha o ṭuwa. Fhedzi o vha o tou bvela nn̄da ha lufhera. Ho ngo ṭuwa, u kha ḫi tshila. O vha e Mukriste.

²⁹² N̄ne na Billy ro ya tshaloni heneffa tshifhingani tshiñwe tsho fhiraho, ndo fara luvha lītuku ndi tshi itela mme awe na khaladzi awe, nga matsheloni zwao a Paseka, huno ra ima. Mutukana muñuku a thoma u lila, a ri, “Khotsi, mme anga vha hafhaļa fhasi.”

²⁹³ Nda ri, “Hai, mufunwa. Hai, a vhaho hafhaļa fhasi. Khaladzi haho hafhaļa fhasi. Hafha fhasi ro khurumedzelwa tshaloni, fhedzi ngei seli ha lwanzhe hu na tshalo tsho vuleaho he Yesu a vuwa. Huno liñwe duvha U do vhuya, U do ḫa na Khaladzi na Mma khathihi Nae.”

²⁹⁴ Ndi mudavhini wa nndwa ñamusi, dzikhonani. A—a thi koni na u amba u fhira hafha. Ndi . . . [Mukomana Branham u a tswimila—Mudz.] Mudzimu a ni fhaṭutshedze. Kha ri kotamise zwifhaļuwo zwashu lwa tshifhinganyana.

²⁹⁵ Oo Murena! Zwifhinga zwinzhi, Murena, ndi na ngoho vhathu a vha pfeses, musi vha tshi elekanya uri hezwi zwithu zwi da nga ndila i leluwaho. Fhedzi hu na duvha l̄ihulwane l̄ine la khou da musi Yesu a tshi do da huno matungu aya othe a do fheliswa. Ndi a rabela, Khotsi wa Tađulu, zwauri U do ri farisa kha u dilugisa.

²⁹⁶ Huno iyo pfulufhedziso ya u fhedzisela, musi ndi tshi mu khisa kha shama nga ayo matsheloni, zwauri ndi do tangana nae hangei nga ilo duvha. Ndi a tenda u do vha o ima kha uyo mushumo, a tshi khou vhidzelela dzina langa. Ndo tshila ndi wa u fulufhedzea kha iyo pfulufhedziso u bva tsheetsho, Murena, u mona na shango, kha tshakha dzothe dza mafhethu, ndi tshi khou lingedza u disa Mafhungo-madifha. Ndi tshi khou kalaha zwino, nahone ndo neta, ndo fhela maanda. Nga linwe la haya maduvha ndi khou ya u vala heyi Bivhili lwa u fhedzisela. Huno, Mudzimu, nnyite a fulufhedzeaho kha pfulufhedziso. Ita uri tshilidzi Tshau tshi dzule tsho ntingeledza, Murena. U songo ntendela u sedza kha zwithu zwa vhuno vhutshilo, fhedzi ndi tshilele zwithu zwi re phanda-phanda. Mpfarise uri ndi fulufhedzee. A thi humbeli tshikovha tsha maluvha tsha vhudigedi, hai, Murena, hu uri Kristo wanga o fa henengei e vhutunguni. Huno vhothe vho salaho vho fa nga ndila yeneyo. A thi khou humbeli tshiñwe tshithu tshi leluwaho. Itou ntendela fhedzi u vha a fulufhedzeaho, Murena, wa ngoho. Ita uri vhathu vha mpfune uri ndi kone u vha khadela kha Iwe. Huno linwe duvha musi zweþe zwe no fhela nahone ri tshi vho kuvhangana nga fhasi ha miri i no dzula i midala, ndi tod a u mu fara nga tshanda huno nda mu tshimbidza nthia, u sumbedza vhathu vha Angelus Temple na vhañwe vhothe. Zwenezwo itscho tshi do vha tshifhinga tshihulwane.

²⁹⁷ Ndi rabela zwauri khathutshelo Dzau dici vhe na rinje rothe fhano. Huno avho vha re fhano, Murena, vha nga kha di kundelwa u U divha. Huno khamusi vha na muñwe mufunwa mutuku ngei seli ha lwanzhe. Arali vha sa athu khunyeledza pfulufhedziso yavho na kathihi, nga vha zwi ite zwino, Murena.

²⁹⁸ Musi ri tshi kha di vha ro kotamisa zwifhañwo zwashu, ndi a mangala uri ngomu oditoriamuni heyi khulukhulu masiari ano, ndi vhangana vhañu vhañe vha ri "Mukomana Branham, ndi tod a u tangana na vhafunwa vhangana, na nne-vho. Ndi—ndi—ndi na vhañwe vhafunwa hangei seli ha mulambo"? Khamusi no ita pfulufhedziso ya uri ni do tangana navho, khamusi ni tshi vhudza Mma uri "vha tshimbile zwavhuđi" hangei tshaloni lila duvha, khamusi musi ni tshi vhudza Khaladzi muñkuuri "ni tshimbile zwavhuđi," kana Khotsi, kana vhañwe vhavho tshaloni, no fulufhedzisa u tangana navho, huno inwi—inwi na kathihi a ni athu ita heyo ndugiselo. Naa a ni elekanyi uri zwino ndi tshifhinga tshavhuđi tsha u ita?

²⁹⁹ Mpfareleni ndi tshi kwamea. Fhedzi, yawee, nmenne, a ni zwi ṭalukanyi, khonani. A ni ḋivhi uri mini-ha tshīṭhavhelo tshingafha! Hetsho a si tshipiḍa, na luthihi, tsha nganeavhutshilo.

³⁰⁰ Ndi vhangana vhaṇu vhane vha do takalela u takuwa zwino nahone vha da ngeno u itelwa thabelo, na ri, “Ndi ṭoda u ṭangana na vhafunwa vhanga”? Takuwani ni bve vhukati ha vhathetshelesi nahone ni de ngeno phasi. Naa ni do zwi ita? Arali muṇwe a sa athu ita iyo ndugiselo na kathihi. Mudzimu a ni fhaṭutshedze, mune wanga. Ndi vhona munna wa mualuwa wa mukhaladi a tshi khou bva, vhaṇwe vha tshi khou da. Sudzuluwani, vhoiṇwi ni re afho madzuloni a n̄tha henengeyo, edzonu bva ni vhe hu re na ndila. Kana ni ime, vhoiṇwi vhane na ṭoda u elelwa thabeloni zwenezwino. Ndi zwenezwo. Imani nga milenzhe yaṇu. Ndi zwavhuḍi. Imani, hoṭhe-hoṭhe, vhoiṇwi vha no do ri, “Ndi na khotsi hangei seli, ndi na mme kana muṇwe a funwaho ngei seli. Ndi ṭoda u ya nda vha vhona. Ndi ṭodou ṭangana navho nga mulalo.” Naa ni do takuwa, imani fhedzi nga milenzhe yaṇu, huṇwe na huṇwe kha vhathetshelesi. Imani nga milenzhe yaṇu, ni ri, “Ndi ṭoda u ṭanganedza.”

³⁰¹ Mudzimu a ni fhaṭutshedze, mufumakadzi. Mudzimu a ni fhaṭutshedze ngeyo murahu. Huno a ni fhaṭutshedze afho n̄tha. Murena a ni fhaṭutshedze hafha, mune wanga. Ndi zwone. N̄tha kha madzulo a n̄tha, Murena a n̄i fhaṭutshedze. U mona hoṭhe, hoṭhe-hoṭhe, imani nga milenzhe yaṇu zwino uri ri vhe na thabelo, musi Muya Mukhethwa u fhano nahone u tshi khou shuma mbiluni dzashu, u—u—u kwasha.

³⁰² Ni a ḋivha, zwine tshihidzo tsha ṭoda namusi ndi u kwashiwa. Ri tea u tsela N̄duni ya Muvhumbi. Theolodzhi yashu yo omelelaho yo itwaho hayani nga tshiṇwe tshifhinga a i shumi zwavhuḍi. Tshine ra tshi lila ndi u kwashiwa ha misini ya kale, tshanduko mbiluni dzashu, ra vha vha sa kondiho kha Mudzimu. Naa ndi vhenevho fhedzi vho diimiselaho u ima?

Kha ri kotamise-ha zwifhaṭuwo zwashu u itela thabelo.

³⁰³ Oo Murena, Wo vusaho hafhu Yesu u tshi itela... vhafuni, u ri ita vho lugaho roṭhe nga lutendo, ri tshi tenda. Ndi a rabela, Murena, zwauri havha vho imaho zwino u U ṭanganedza, ndi rabela uri khangwelo i vhe khavho. Huno, Oo Murena, ndi rabela uri vha do U ṭanganedza sa Mutshidzi wavho na Khosi na Mufunwa, huno khamusi vha na mma kana khotsi kana muṇwe seli ha lwanzhe. Hu na tshithu tshithihi tsha ngoho, vha na Mutshidzi. Nga vha hangwelwe zwivhi zwavho, na vhutshinyi havho hoṭhe vhu phunyiwe, uri mimuya yavho i ṭanzwiwe Malofhani a Ngwana, nahone vha tshire nga mulalo u bva zwino.

³⁰⁴ Huno liṇwe ḋuvha la vhugala musi zwoṭhe zwo no fhela, kha ri kuvhangane N̄duni Yau, huno ri vhe henefho ri miṭa i songo kwashekanaho, u ṭangana na vhafunwa vhashu vho lindelaho

kha liñwe sia. Havha, ri vha kumedzela kha Iwe, uri “Iwe u do ita uri ane mbilu yawe ya vha Khae a dzule e na mulalo wo gumaho.” Zwi tendele, Murena, ri tshi vha kumedzela kha Iwe. Nga Dzina la Murwa Wau, Murena Yesu. Amene.

³⁰⁵ Mudzimu a ni fhaṭutshedze. Ndi na ngoho vhashumi vha vhona he na ima, huno vha ḋo vha na inwi nga miniti i si gathi.

³⁰⁶ Huno zwino kha avho vhane vha khou yo ṭanganedza garaṭa dza thabelo. Billy, Gene na Leo vha ngafhi, vha murahu? Vha hone fhano u do nea garaṭa dza thabelo nga miniti i si gathi. Mukomana u do balanganya vhathetshelesi nga thabelo, huno garaṭa dza thabelo dici do kovhiwa. Ri ḋo vhuya fhano hu si kale, u rabelela vhalwadze. Žwo luga, Mukomana.



MUKOMANA BRANHAM

Nganeavhutshilo Yanga yo ḥewa nga masiari a Swondaha, Lambamai 19, 1959, kha Angelus Temple ngei Los Angeles, California, U.S.A.

Ndila Ye Murunwa A Da Kha Nye, Na Ndaela Yawe wo ḥewa nga madekwana a Musumbuluwo, Phando 17, 1955, kha Lane Tech High School ngei Chicago, Illinois, U.S.A.

Iyi Milaedza nga Mukomana William Marrion Branham u rangani yo ḥewa nga Tshiisimane, huno yo dzhiwa kha rekmodo ya theiphi ya maginete huno ya ganqiswa i songo pfufuhifhadzwa nga Tshiisimane. Heyi ṭhalutshedzo ya Tshivenda yo ganqiswa nahone ya phaqaladzwa nga Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org